

白雲齋選訂樂府吳騷合編

白雪齋選訂樂府吳騷合編目次

第四卷

仙呂入雙調

夜行船序

翠擁紅遮

題情

周秋汀

黑嬾序

點簡梅花

冬閨

陳秋碧

兩字鴛鴦

題情

馮二酉

惜奴嬌

山林微雲

惜別止二闕

王伯良

步步嬌

月夕花朝

閨情

劉東生

昨夜春歸

閨怨

舊詞

樓閣重重

怨別

唐伯虎

一夜梧桐

秋日懷舊

梁少白

簾控金鈎

閨思

文衡山

暗想當年

閨怨

元詞

半夜蕭疎

同宵姬坐雨感舊

梁少白

沉醉東風

海棠花開還未開

春閨

鄭虛舟

嬌鶯兒

春寒成陣

四時題情各韻計四闕

陳秋碧

園林好

常相傍淮南小山

贈徐飛卿參禪

汪伯玉

攤破金字令

芳容並月

遇虞山張姬於虎丘作

梁少白

二犯江兒水

減盡了花容月豔

四時閨怨

陳秋碧

看姐姐風流聰俊

贈石城美人小令

梁少白

覷着俺娘行清秀

贈戴鳳兒小令

梁少白

記得他霧鬟雲鬢

紀情小令

周幼海

江頭金桂

最苦是深閨人靜

春閨

騷隱生

桂花遍南枝

前生冤債

爲顧郎笑初戲筆

張旭初

附錄譜內新增體并各宮花犯曲

小措大

晴潮泊岸

旅思

古調

敲冰進舫

旅思

史叔考

桂堂東畔

懷馬湘蘭

梁少白

六犯清音

瑣窗人靜

宮詞

李日華

小窗雲重

冬閨

虞交俞

玄陰虜發

冬閨

何西來

華林百種

贈魏湘鴻

梁少白

七犯玲瓏

新紅上海棠

四時閨情

祝枝山

凝粧上翠樓

閨思

楊升菴

琳宮慕地逢

過陳芳蘭於虎丘作

梁少白

芙蓉翠館仙

再寄陳芳蘭

梁少白

七賢過關

雕簷風馬馳

代王姬錫山惜別

梁少白

春風花草香

春思

元詞

九迴腸

一從他春思牽掛

題情計二闕

張伯起

對燈兒幾番思想

懷舊計一闕

孫百川

爲一點香生九畹

贈李姬湘蘭一闕

史叔考

巫山十二峯

院落清明左右

春日題情

梁少白

一片情雲引弄

友人談夢戲贈

沈伯英

十二紅

伴孤燈

曉夜閨情

陳秋碧

照孤衾

閨情

林石岡

吳騷令編

鷄聲兒

題情

吳載伯

冷蕭蕭

紀情

王玉陽

附錄譜外變調

漁燈兒

沒來繇惹相思

閨情

陸包山

從那日冷桃源

秋夜懷程文卿

沈孚中

附錄南北間調

新水令

一春無事爲花愁

閨怨

祝枝山

水沉消盡瑞爐煙

閨情

唐伯虎

一聲孤雁送新秋

閨情

沈青門

半窗殘月夢初醒

閨情

沈青門

夜窗相對一燈微

話舊

凌初成

附錄北調

黃鐘醉花陰

窗外芭蕉戰秋雨

秋思

陳秋碧

春困書齋夢初醒

春懷

舊詞

正官端正好

珊枕畔麝蘭香

懷舊

陳秋碧

仙呂點絳脣

月戶雲窗

贈妓

舊詞

中呂粉蝶兒

如月如花

贈美

蘭楚芳

南呂一枝花

嬌滴滴千金玉體輕

詠遇

陳秋碧

雙調新水令

鴛鴦夢斷藕絲鄉

秋閨

祝枝山

碧桃花外一聲鐘

春閨

周秋汀

雙調夜行船

缺月風簾碎影篩

憶所見

毛蓮石

太乙峯頭玉井蓮

爲妓白蓮賦

沈青門

商調集賢賓

憶吹簫玉人何處也

秋懷

陳秋碧

吳騷合編卷四目次終

白雪齋選訂樂府吳騷合編卷之四

虎林

騷隱居士 選輯

半嶺道人 刪訂

仙呂入雙調

○題情

周秋汀

夜行船序

用車遮韻

翠擁紅遮錦香叢勾住採花蝴蝶迷戀處只爲多情
難捨風月頓使綢繆偏令愛惜愈加疼熱拚也准備
下鬼門關心願對海神同設

前腔 換頭

應藉夙世冤業。但逡巡一見。兩情牽掣。歌臺上一曲。
霓裳清絕。嬌怯粉黛輕勻。蛾眉淡掃。晚粧初卸。覷者。
便是那潘妃丰韻。比他何別。

黑蜥序 換頭 舊名鬪寶蟾誤

曾寫鸚鵡新詞。向尊前花下。把彩雲歌徹。斷人腸誰。
送一紙書相。虛說石榴花已開。玉人音信。截那時節。
悶殺人離愁萬種。寸心千結。

前腔

歡悅刻地歸來似天仙降下蕊珠官闕喜釵分再整
絃斷重接聽說花枝插在瓶湘簾放下些叙離別喜
殺人書幃半掩把燈吹滅

錦衣香

喜的他心兒熱怕的他性兒劣便教一句開言不許
差迭端詳濟楚又貞潔全無半點假意虛撇更聰明
俊雅酒兒中件件清切洒落風流也竟與人別冰肌
玉骨皎然朗澈

漿水令

吳騷合編

想當初相逢狹邪。武陵溪短棹輕楫。歌聲宛轉。鬢欲
疊。近船呼出。醉眼也斜。天涯去。雲水除陽臺夢。魂空
飛越。誰承望。誰承望。到底和協。今日裏。始得
寧貼。

尾聲

從今共把山盟設。不許負心薄劣。這段情詞。留在帕
兒上寫。

○冬閨

已刻

陳秋碧

黑蜨序

用蕭豪韻

舊名鬪寶蟾誤

點簡梅花見南枝春信漏泄。今宵雪模糊。可堪半壓
寒稍飄颻。暗香動。且浮疎英嫩。又嬌正。無聊着意看
花。却又被花相惱。

前腔

清曉眉黛慵描。整殘粧無語。向花微笑。惜花人此時
音信寥寥。蕭條天寒綈袂薄。風輕繡帶飄。自今朝一
捻腰肢。寬掩翠裙多少。

忒忒令

任雪花梅英鬪巧。憔悴人暗傷懷抱。此情若與天知





富樣樹可推
塵寰新

道離恨比天更高。果然是天知道。和天也瘦了。

五供養

青山頌老誰收拾。滿地瓊瑤蒼茫冬暮景。舉目總蕭條。笑我因花起蚤。聽滿耳靈禽喧噪。不報些兒喜惹。煎熬北風吹面。利如刀。

好姐姐

一交黃昏靜悄悄。孤另另銀缸相照。把燈兒慢挑。和衣剛睡着。誰驚覺。聲寒指冷。難成調。偷弄飛瓊碧玉簫。

川撥棹

難猜料。自來這讀書人心性。喬蚤帶上金屋多嬌蚤。
帶上金屋多嬌。頓忘了臨邛故交。漢相如恩愛薄。卓
文君緣分少。

錦衣香

珊瑚了錦字詩。差錯了瑤琴操。釵分了交股金。帶折
了連環套。鳳凰簪。蹀躞燹玲瓏。那得堅牢。桃花源上不
通潮。傷心總是雨。葉風條。連枝樹近來也。生成恨種。
愁苗。魚雁無消耗。水澗山高。紅絲繫足。誰把冰刀雙
攪。

漿水令

不索把穹蒼禱告。一任他傷人笑嘲。盟香夜夜對天
燒。憂情未訴。意懷心勞。從前誓都忘却。只求眼下他
來到。鴛鴦被鴛鴦被。重薰麝腦銷金帳。銷金帳。共飲
香醪。

尾聲

愁容等得生歡笑。愁甚麼暮冬天道。番成月夕花朝。

○題情 已刻

馮二酉

黑蜨序

用先天韻

兩字鴛鴦惹心頭夢裏多少牽纏怪分飛偏憎月下
燈前堪憐月圓人不見衾寒夜怎眠悞芳年人隔三
秋又蚤寸腸千轉

忒忒令

比人間紅樓畫船似天上銀河月殿分明咫尺無分
緣如隔太行一線秋水盈春山怨怪情丟意淺

五供養犯

山高水遠恨知音曲中斷絃琴心空有調詩句共誰
聯我想桃花人面隔朱門春風轉時別來虛歲月何

處指盟言月上海棠怎得人心久長不變。

好姐姐

魚雁水沉風撈書和信雲遮霧冒花飛月冷塵蒙舊
簡篇愁和怨愁深隱隱當心坎怨結悠悠在眼前

玉交枝

梧桐幾片鬧秋風飄零翠軒翻來捲去如相戀動人
無限熬煎記月明疎影共留連又霜寒夜瓦驚時變
最無聊孤燈影懸最傷心青衫淚濺

川櫻棹

無繇見陽臺上巫峽邊似如今鬼病纏綿似如今鬼
病纏綿到不如丟開在先倫香手誰見援傳粉心誰
與傳。

尾聲

風流孽瘴還不免畢竟是爲他牽纏怎能殺春生庭
院把孔雀屏遮離恨天。

○惜別

未刻

王伯良

惜奴嬌

用真文韻

山抹微雲聽連天畫角聲斷譙門聊停征蓋花前共

飲離尊難分舊事蓬萊回頭迅見炊烟紛紛盡日漸
隳遙指寒鴉數點水遶孤村

前腔 換頭

銷魂此際征人想香囊暗解羅帶輕分青樓休道贏
得薄倖名存傷神此去何時重親近惹啼痕羅襟潤
惆悵頻又是高城望斷燈火黃昏 止二闕無煞

○離情 已刻

沈伯英

步步嬌 用先天韻

別鳳離鸞驚時變新景添新怨雕窗裊篆烟青瑣虛

涼翠幄空展。却憶倩嬋娟。酬不了當初願。

江兒水

常想西江夜。艤畫船。芳菲北苑開春宴。七換涼州歌。
喉顫一聲金縷香風轉。怕對羞人鶯燕。舊恨從頭十
二闌干凭遍。

園林好

昏慘慘愁城似天遠。迢迢長日勝年。記一笑春風嬌
面。燈兒下鬢雲偏急回首已茫然。

五供養犯

別來想見見月缺多時也有團圓畫堂深窈窕歸翼
枉踟躕怕玉鉤未捲一天愁著誰消遣訴一晌心間
事寫一幅斷腸篇月上海棠等一箇蜂頭孤雁回旋

川撥棹

雙眸倦看這豔陽時三月天對一杯悶酒尊前對一
杯悶酒尊前少一箇人兒在眼前害相思張解元盼
神仙歸洞天

錦衣香

春衫和淚穿猶是伊針線玉簫深夜吹多是君愁怨

傲殺槎頭金盤雙薦笑他並蒂兩紅蓮香雲迢遞蝶
浪蜂顛縱東風難見怕顛倒風吹花片不與些兒便
怎生留戀看看瘦得沈腰一線

漿水令

煞靜悄垂楊庭院虛供養綠暗紅嬌銀鈎屈曲指駢
聯淋漓錦袖細艸鸞箋剛剛訂相思傳遲遲月上桃
花扇香羅帕闌珊了舊盟新愿流蕙帳冷落了粉露
花烟

尾聲

愁人怎把閒情遣。一恁啼春兩淚懸。誰管領春山雙翠淺。

○閨情

已刻

劉東生

步步嬌

用魚模韻

月夕花朝成虛度。把往事難憑據。東風舊院宇。塵滿瑤臺。悶局朱戶。六曲畫闌干。總是傷情處。

孝南枝

孝順歌

關山路。信也疎。鴛鴦繡衾香也無。蟬鬢爲誰。枯蛾眉爲誰蹙。只有天知我苦也。不揮毫也。不聯詩。

句也不開樽。也不歌金縷。鎖南枝燈也孤。人也孤。枕

又孤。月也恨長孤。

香柳娘

嘆離愁幾許。嘆離愁幾許。勝似大江東去。將心比心。
如何辜負。想昔日共笑語。想昔日共笑語。情似水中
魚。愛惜如掌中珠。我欲待要寄書。我欲待要寄書。寄
與薄情看。取淚痕如雨。

園林好

不記得彈絲品竹。不記得偎香倚玉。不記得臨行時

上馬 / 糸
囑付不記得醉糲糊不記得臥流蘓

江兒水

盼殺門前馬陌上車年年空把佳期悞好似和番漢
蘓武終須有日還鄉故恐把奴心辜負雁杳魚沉不
見傳來尺素

僥僥令

雙調

鸞鳳錦帳圖蝴蝶繡羅襦惹恨牽愁無心緒直待兩
成雙心願足

尾聲

逢時遇景添淒淒。楚常思、想鸞交鳳侶。至今在海角、天
隅。

○閨怨

已刻

舊詞

步步嬌

用江陽韻

昨夜春歸。今朝夏。時序如翻掌。相思惱斷腸。只怕愁
病無情。減却容光。血淚漬成行。點點滴在青衫上。

山坡羊

商調

綠陰陰。竹梢初放。碧沉沉。荷錢較長紅。潑潑榴花漸
舒白。茫茫麥隴翻銀浪。雨乍晴。圓林梅子黃。時移物

換人何向種種思量。椿椿惆悵。淒涼。半開窗。半掩窗。
悲傷。半思郎。半恨郎。

五更轉

南呂

納稼時。離鴛帳。到如今。又插秧。南鱗北雁。頻來往。
自沒一紙書來。慰奴懷想。向晚來。空倚定。危樓望。朝雲
暮雨。和誰講。除是夢裏重逢。和你徘徊半晌。

園林好

覺來時。愁魂半牀。那人兒。依然兩廂。只落得。千聲悵。
快端的。是怎推詳。端的。是怎推詳。

江兒水

睡起嬌無力。窮愁莫可當。叮叮冬風韻。簾鉤響。清溜
溜。竹夾茶烟漾。碎紛紛。日映睛絲蕩。混攪碎離人情
況。縱有良工畫。不就相思模樣。

玉交枝

綠窗虛朗。畫寥寥。共誰舉觴。芭蕉弄影。搖書幌。一霎
時過了。端陽。夢魂驚破。追楚襄。睂兒淡了。思張敞。待
見他。山長水長。待放他。情長意長。

玉抱肚

或作胞誤

南薰薦爽。這花陰、看看過牆。聒噪些蛙鼓、蟬琴、蕭索了蝶粉蜂黃。中心怏怏，無明無夜，費思量。倩托何人遠寄將。

玉山供

玉抱肚

精神惚恍。這滋味、何曾慣嘗。覷花鈿粉面流

脂。透酥胸、汗雨揮漿。

五供養

燈花鵲噪到此都成虛。

謊命薄多磨障。意徬徨、停針無緒。繡鴛鴦。

三學士

南昌

花愁酒債何時了。償經幾度飯廢茶荒。威蕤懶傳何

郎粉。寂寞羞添賈女香。心爲遠懷紫百丈。魂消處逐去檣。

解三酲

仙呂

錦葵開有誰宴賞。記昔日歡娛在華堂。今日里浮瓜沉李。沒心想。盈盈汨浴蘭湯。趁微涼。緩步出洞房。悶數歸鴉立小廊。聲嘹唳。採蓮歌何處晚渡橫塘。

川撥棹

舉目誰親。對三星禱夜央。俏冤家杳隔在瀟湘。俏冤家杳隔在瀟湘。幾時得榮歸故鄉。辦處誠叩上蒼。

奈愁城未肯降。

前腔

換頭

瘦損龐兒淺淡粧。暮鼓晨鐘特地忙。蚤知道今日
恹恹蚤知道今日恹恹爭似當初不識強待相忘不
忍忘待相從路渺茫。

僥僥令

雙調

蜻蜓飛兩兩。燕子語雙雙。偏我海誓山盟都成謊。番
做了五更頭夢一場。

尾聲

君平問卜都虛說。只恐怕歸來。鬢已霜。怎能勾。身生兩翅。飛到伊行。

○怨別

已刻

唐伯虎

步步嬌

用蕭豪韻

樓閣重重東風曉。玉砌蘭芽小。垂楊金粉消。綠映河橋。燕子剛來到。心事上眉梢。恨人歸不比春歸早。

醉扶歸

仙呂

冷淒淒風雨清明到。病懨懨難禁這兩朝。不思量寶髻。揷桃花怎當他。綉戶埋芳草。無情挈伴踏春郊。風

頭在綉弓鞋小。

早羅袍

同上

世嘆薄情難料。把佳期做了。流水萍飄。柳絲暗約玉
肌消落。紅惹得朱顏老。情牽意絆。山長水遙。月明古
驛。東風畫橋。倩冤家何事。還不到。

好姐姐

如今瘦添楚腰。悶恹恹離情。懊惱落花和淚。做了一
樣飄知多少。花堆錦砌。猶堪掃。淚染羅衫。痕怎消。

香柳娘

南呂

隔簾櫳鳥聲。隔簾櫳鳥聲。把人驚覺。夢回蝴蝶。巫山
杳。我。心。中。想。着。我。心。中。恨。着。雲。散。楚。峯。高。鳳。去。秦。樓
悄。怕。今。宵。琴。瑟。怕。今。宵。琴。瑟。你。在。何。方。弄。調。歡。得。我
紗窗月曉。

尾聲

別離。一。旦。生。芳。草。盡。棟。梁。空。落。燕。巢。可。惜。粧。臺。空。教
人。自。老。

○秋日懷舊

已刻

梁少白

步步嬌

用先天韻

吳騷合編

一夜梧桐金風剪敗葉空廊戰離愁有萬千夢入蘭
心芳香不變目斷碧雲天把西樓東角閒凭遍

忒忒令

初見

記初見在春風繡筵又暮遇在夜香深院花枝嫋嫋
似趁風搖顫人叢裏信難傳人叢裏信難傳又誰知
背畫闌把秋波暗轉

尹令

重逢

自別去心畱意眷再沒處尋方覓便誰道渡頭重面
還似舊時迷戀路阻藍橋背負前生未了緣

品令 訂盟

娘行爲何再入武陵源。池亭深處恰似降飛仙。幽期密訂。去畱多。腴腆太湖石畔。只恐怕他人瞧見。帶綰同心共結東林祇樹邊。

萱葉黃

幽遇

夜深沉漏滴。銀鎖喜空聯。挽青鸞翅入重樓。挽青鸞翅入重樓。親受用香溫玉軟。一時繾綣。釵橫鬢偏真。箇是水雲中的鸚鵡。真是箇水雲中的鸚鵡。看遺却花鈿零落在銀屏錦幃。

玉交枝

離會

舞衫歌扇載卿卿。西江畫船紅衣濕處。清波濺並頭。
開徹雙蓮絲絲柳條風。清牽瀟瀟竹影。溪雲淺擁鴛。
衾落月未眠。酒初醒。猶聞嬌喘。

月上海棠

話別

最可憐。歡娛未了生離怨。恨片帆東去甚。目還旋霎。
時間翠減香消。頃刻裏山長水遠。重發願願年年相。
見勝似今年。

江兒水

離情

江水明於練。秋雲薄似綿。奈扁舟飄忽如飛箭。看牀頭翠被餘香捲。囊中秀髮和愁纏。怕睹社前歸燕。何日重來還向舊家庭院。

川松棹

哀怨

詩題絹淚斑斑成翠蘚。夜迢迢帳轉無眠。夜迢迢帳轉無眠。洞房虛孤燈慘然似枯枝。泣露蟬似風花哭。杜鵬。

前腔

祈祝

腸斷篴篥第五絃。奈萬事傷心在眼前。縱風波倏起。

平川縱風波。倏起平川。誓把衷心鐵石堅。願頻頻音信傳。莫教人眼望穿。

尾聲

復令

歸舟有日還重見。那時節。錦堂歡宴。銀燭高燒。繡帳懸。

○ 閨思

已刻

文衡山

步步嬌

用蕭索韻

簾控金鈎深。閨悄風動爐烟。裊淒涼恨怎消。望斷衡陽底。事。鱗鴻杳。獨坐悶。無聊。把金釵劃損。雕闌巧。

香羅帶

南呂

幽窗倍寂寥。冰絃懶調。春纖未舉。先倦倒。斷絃何日
續。鸞膠也。總有相思調。對誰拋。思君幾遍。成鬱陶。便
是暗擲金錢也。有甚心情。辨六爻。

醉扶歸

仙呂

悶懨懨。羞把菱花照。睡昏昏。慵整翠雲翹。覺離愁。應
比舊時多。看花容不似前春好。可憐辜負。好良宵。多
應是別惹閒花艸。

早羅袍

吳騷合編

仙呂入雙調卷四

十八

可惱鬱人懷抱。响叮噹鐵馬關風聲敲。瀟瀟疎雨洒。
芭蕉嗽嗽。四壁寒蛩鬧。尋章摘句。臨風懶嘲。蛾眉消
黛。金針懶挑。虧心自有天知道。

好姐姐

看他量如斗筲。沒來繇教人談笑。翻雲覆雨都是奴。
命招無消耗。滔滔水滄藍橋倒。烈火騰騰將祇廟燒。

香柳娘

南呂

見紅輪墜西。見紅輪墜西。晚鐘聲報。孤燈慘淡和愁。
照聽譙樓畫角。聽譙樓畫角。嗚咽怨聲高。令人越焦。

燥剪秋風敗葉。剪秋風敗葉。把紗窗亂敲。攪得奴夢魂顛倒。

尾聲

薄情做事多奸狡。撇得人來沒下稍。短嘆長吁捱到曉。

○閨怨 已刻

元詞

步步嬌 用車遮韻

暗想當年羅帕上。把新詩寫。偷縮同心結。心猿垂意馬劣。都將軟玉溫香。翠擁紅遮。琴瑟正和協。不覺花

陰轉過梧桐月。

沉醉東風

一團嬌香肌。瘦怯半含羞。粉容輕貼微笑。對人悄說。
休忘了。今夜等閒間。弄海棠開徹。把山盟共設。不許
暫時棄撇。有箇負心的。教他隨燈兒便滅。

忒忒令

他殷勤將春心漏泄。我風流寸腸中熱。因此上楚雲
深鎖黃金闕。你把佳期頓撇。湘江竭。燕山截斷魚封
雁帖。

好姐姐

自別逢時遇節。冷淡了風花雪月。奈柔腸萬結。怎禁
窗外鐵無休歇。一似環珮搖明月。又被西風將錦帳
揭。


桃紅菊

渭城人肌膚瘦怯。楚天秋難禁病。疊停勒了畫眉郎
京尹。停勒了畫眉郎。京尹補填了河陽令。滿缺。

園林好

也傷殘。連枝帶葉勾引得。狂蜂浪蝶。鬧炒起訶臺舞。





柵回首處。楚雲遮。堪嘆處。水痕餘。

川撥棹

成吳越。怎禁他。巧言閒。閒謀。平白地。送暖偷寒。平白
地。送暖偷寒。猛可地。搬唇弄舌。水晶丸。不住撇。蘸銅
鈿。一謎掘。

錦衣香

他將楚館焚。秦樓拽。洛浦填。涇河竭。梅家庄。水罐湯。
瓶打爲磁屑。賈充宅。守定粉牆缺。武陵溪。澗把花兒
釘了椿。擬楚襄王。夢驚蝴蝶。漢相如。趕翻車轍。緊閉

芙蓉闌。紫簫聲裂。碧桃花下。鳳凰把鏡。毛生扯。

漿水令

响叮噹。將菱花碎跌。側楞。碎冰絃斷絕。喜孜孜。將同心帶扯。撲簌地。寶簪墜折。採蓮人。偏把並頭拆。此目魚就池中。將水車竭。連枝樹。生砍截。打撈起。御水流紅葉。藍橋下。翻滾滾。波濤捲雪。祇神廟。焰騰騰。火走金蛇。

尾聲

饒君總把機謀設。怎禁那負心薄劣。一一向夢兒中。

對他分說。

○秋夜同胥姬坐雨西窗感舊

已刻

梁少白

步步嬌

用魚模韻

半夜蕭疎芭蕉雨。葉葉西風裏。相將夢覺時。一枕華胥。十年心事。細數兩秋歔。柔情不斷如春水。

忒忒令

論命裏。今生合孤嘆。花星幾番明污。知音絕少。誰可堪回顧。迷魂陣久荒蕪。又誰知。遇合奇。惹閒情萬縷。

沉醉東風

記當初曾通素書。到年來數傳清譽。奈深戶映花關。
天涯兩汝空奔走。東西鄰。河橋故居。山城小溪。依稀
記得。風簾露出繡襦。

好姐姐

沉淪數載有餘。竟沒處問消尋息。他生未卜。此生應
見稀。甘拋棄。靈禽久被樊籠繫。誰料秋來放雪衣。

園林好

病相如在文園。著書曠文君正臨邛。寡居還沒有過。
春心綠綺。險增出酒家。壚險增出酒家。壚。

江兒水

瞥見深深巷。款款扉緣。何欲避還凝。佇初疑施氏西。
村女原來宋玉東隣妹。雅淡裙衫。白苧小立迎風。注
目似曾相識。

五供養犯

五供養

方知是你這段姻緣。會合真奇。遂憑水上語。

竟赴月中期。看他衷情幾許。遍訴出半生憔悴。道幽

花經雨。蹙。結月被雲迷。

月上海棠

受盡淒涼。萬般滋

味。

玉交枝

今朝得遇感娘行。素心不移。渾如枯樹生連理。分明
得水遊魚。因思往事。多淚垂。從今相守。君須記。對西
庚明星。見知仗東君。鶯花有主。

川撥棹

會真詩雙文句。楚臺風。巫峽雨。笑兒曹。既不相知。笑
兒曹。既不相知。枉奔波。磨穿襪兒。弄機關。你好痴。破
姻親。却怎的。

香柳娘

南呂

我而今共伊我而今共伊花前月底願年年同伴春
光住總閒言有些總閒言有些任他們自傾歌和你
甘心且包蔽算人生有幾算人生有幾休攢兩眉試
看傀儡。

尾聲

綠窗人靜風兒細追想當年難遇莫負韶光十二時

○春閨

已刻

鄭虛舟

沉醉東風

用昔來韻

海棠花開還未開倦停鍼繡窗閒待花睡去冷閒階

教人憐愛。須避却妬花風。把門兒謾開。不許蝶蜂
參拜。若等着那負心的。便隨着進來。

忒忒令

盼得個春風滿街。好花枝没人簪戴。對花無語空立。
遍蒼苔。擔害得人無賴。愁無奈。恨無端磨穿了繡鞋。

品令

相思默默沒個好安排。脂憔粉悴。也是命令該匆匆。
話別不見尺書來。何處遨遊。恁却故園歡愛。驀地思
量推不出。冤家在我懷。

豆葉黃

我忌餐廢寢。日夕難挨。總然我骨瘦如柴。也燒不過
愁城高大。這些冤債。何時擺劃。除非是那。人兒相見。
除非是那。人兒相見。和息了相思。勾銷紙牌。

玉交枝

他毒如蜂。蠶戀花心。花還受災。芳心從此。被伊家賣。
說甚麼有地重栽。桃源洞口。信已乖。武陵溪上。春難
再。頓忌却雙頭鳳。鞋頓忌却同心鴛帶。

月上海棠

鸞鏡臺何時得揭香羅蓋。竝雙肩同照玉樹花腮。搵
滅了秋水啼痕。重掃個春山眉黛。身通泰。這姻緣除
非是夢裏和諧。

江兒水

見月頻生恠。因花更自猜。一春無事爲相思。害千般
消遣。心難解。萬椿擺脫。情難解。除是鴻門樊噲打破
愁關。提出了淒涼法界。

川撥棹

情。心。反。沒。音。書。三。四。載。全。不。記。那。日。書。齋。全。不。記。那。

日書齋曾道遇鱗鴻足書繫帛到如今呆打孩筆無
情手懶擡

尾聲

香肌瘦得容如菜病久空教尋艾只落得怨瑟愁琴
付鴻雁哀

○四時題情

已刻

陳秋碧

嬌鶯兒

用真文韻

此曲與朝天歌似屬一調

春寒成陣繡衾誰與溫在自換爐薰可惟東風連夜
只管通花信夜長風力緊教人眠不穩我這裡顧影

徘徊又被這一簾花露。遮得個月兒昏。

前腔

用先天韻

雙飛雛燕。薰風吹柳。綿荷葉小如錢。正是清和天氣。
初試香羅扇。盆池曲檻邊。一泓寒水淺。却又蛩庭院。
黃昏。我將這玉纖閒戲。拘得個月兒圓。

前腔

用庚青韻

天街人靜。羅衣風露冷。玉漏已三更。怪底鳳笙何處。
吹做陽關令。梧桐清瘦影。秋蛩鳴露井。幾日來不見。
姮娥多謝這一星兒螢火。如得個月兒明。

前腔

用魚模韻

長更難度。沉沉樓上鼓。清漏響銅壺。無限惱人情緒。
況是年華暮。鼓聲淒又楚。漏聲誰待數。強支吾步出。
重簾。又見那玉梅枝上。添得個月兒孤。

○贈徐姬飛卿

有跋

白雪齋改刻

汪伯玉

余叅禪金山。秦淮徐翮飛卿往。訊爲作慧月天。
人品并繁以辭。

園林好

用寒山韻

常相傍淮南。小山曾得致。河中小蠻人世那。逢青眼。

端爲爾一閒顏還爲爾更愁顏

前腔

瘦怯怯春羅半刪嬌滴滴秋波兩灣高髻雲鬟官扮
從何處落塵寰知何處脫塵寰

江兒水

錦瑟逾千指霓裳第一班題來錦句留香翰携來彤
管卿雲爛揮來綵筆天花燦一幅千金爭看帝里前
身墮落在那庄公案

前腔

繡戶時時掩。琅函日日翻。菩提煩惱無常限。須彌芥子真和幻。剎那曠劫如輪轉。解脫都無拘絆。借問登伽。糊突心猿誰綰。

五供養犯

五供養。蓬萊海岸欲叩三乘。直到三山維舟風馥馥。繞屋步珊珊。信是天人縞帶全拋。華鬘香巖容說法。香積候傳餐。月上海棠一晤無多相逢恨晚。

前腔

青樓夢返黃鳥歌殘。白嶽雲還帝居天作闕。佛座雪。

爲山信宿精藍水月梵王宮晚到來千座滿歸去一帆閒○五兩風輕順流如坦

玉交枝

三生轉眼會中人朝來暮還忙中撇却千金擔何勞
湯沸柴燔禪心一點江上山風情幾細春前蔓惡魔
頭是紅襟淚斑斑冤家是情詞恨東

前腔

蘭橈輕泛送行人垂楊淺灘彩雲只合天邊散又何
勞聲唱陽關人生聚離誠等閒江心舟舵須欄絆莫

沉淪鴛衾麝蘭急回頭紅爐冰炭。

川撥棹

枝和幹莫從前總浪攤到頭來興盡更闌看印澄潭新蟾一變漾銀波照影寒說團圓又缺殘。

前腔

換頭

別後依稀響珮環香韻風揚縵彩幡信道是丰骨非凡信道是丰骨非凡悟從前料門開指彈似掌書仙供奉班散瓊花繡佛壇。

尾聲

江上雲沙頭雁。伴人閒松濤古梵。說甚紅樓翠輿。丹
蒲團悟語。不宜更作麗詞。亟爲脫胎。以當降魔。
一杵想關熱場中正。不可無此冷譚也。願大衆
着眼。半嶺道人

○遇虞山張姬於虎丘作

未列

梁少白

攤破金字令

用庚青韻

四塊玉
芳容並月皎潔如明鏡。飛來碧海常在清虛
境。欲問嬋娟未通名姓。五馬江兒水
誰想上方深處

一欄花影相逢彼此無限情朝元令疑排廣寒局姮

娥下紫清柳搖金林際風生天畔雲停娥歌一聲飛

露冷

夜雨打梧桐此曲原稿與譜未合內刪去一句

梧葉兒身材小性格靈驀地乍逢迎木紅花眼波橫

况復香肩偷凭五馬江兒水促急間寒溫難叙細語

惺惺依稀似聞花外鶯雁枝香奈匆匆頓別一天風

景曉雞聲頃刻人何處鐘開春殿燈無煞

首闕前九句犯調註見淘金令頭後五句犯調

註見二犯江兒水。譜中查訂頗明。而復於此謂
未能考定者。豈偶遺之耶。今爲拈出註刻。

○四時閨怨

已刻

陳秋碧

二犯江兒水

用簾纖韻

五馬江兒水

減盡了花容月豔。重門常是掩。正東風

料峭暮雨簾纖落。紅殘千萬點。

朝元令

香串懶重添。

針兒怕待拈。

柳搖金

瘦骨崑崙鬼。病懨懨。將他這舊

恩情重簡點。

五馬江兒水

愁壓損兩眉翠尖。怕惹得

張郎嗔厭。這些時對鶯花不捲簾。

前腔

用先天韻

靜悄悄槐陰庭院芭蕉心乍展見鶯黃對對蝶粉翩
翩盼情人天樣遠○高柳噪新蟬清波戲彩鴛○行
過闌前坐向池邊又蚤那邊廂唱采蓮○急樓樓愁
懷萬千拈起柄香羅絃扇恰寫着阮郎歸詞半篇

前腔

用齊微韻

推過了炎蒸天氣新涼入繡幃怪燈花相照月色相
隨影伶仃訴與誰○征雁往南飛雁歸人未歸○想
像腰圍做就寒衣不知道他如今在那裏○全無有

眞實信息。倩着個誰人。稍寄。又恐怕路迢迢。衣到遲。

前腔

用眞文韻

幾遍把梅花相問。新來瘦幾分。笑香銷容貌。玉減精
神。比花枝先病損。繡被與重裯。爐香夜夜熏。○着
意溫存。斷夢勞魂。只恁般睡不安眠。不穩。○枕兒冷
燈兒又昏。獨自個和誰評論。百般的放不下心上人。

○贈石城美人

已刻

梁少白

二犯江兒水

用眞文韻

五馬江兒水頭

看姐姐風流聰俊。皇都眞妙品。美身

兒窄小。性子溫純。不搽朱。不傅粉。朝元令生怕到黃

昏。移燈便掩門。柳搖金要結姻親。須叙寒溫。莫淹留

不上緊。五馬江兒水尾願姐姐將歡飲。喚做好事。霎

時從順。那裏見做。猶兒的不喫葷。

○莫雲卿攜戴膩兒過婁水作已刻

前腔用尤侯韻

覷着俺娘。行清秀。秦樓誰更有。愛櫻桃。注口秋水凝
眸。似章臺風外柳。○怯怯啓鴛喉。行雲去欲留。○繡
被香光羅襪雙鈎。喜孜孜軟身軀全是酒○米河田

溪邊渡頭受用足黃昏清晝。羨君家遇人兒是莫愁。

○紀情 已刻

周幼海

前腔 用真文韻

記得他霧鬟雲鬢嬌羞半掩門。似湘妃丰韻巫女精神。
俊麗兒羞傳粉。○翠黛兩眉分。櫻唇一顆勻。○堪
愛堪親。宜喜宜嗔。別來坐不安眠不穩。○相思病
看看在身。待倩個侍兒通問。又則怕惡捨白斷送人。

按南宮譜云。此曲本係南調。前輩作此調者甚
多。今銀瓶記亦唱作南曲。可証也不知始自何

人將寶劒記諸曲唱作北腔。此後紅拂浣沙而下皆作北腔唱矣。然作者本未嘗以北調題之也。今力正之。斷該除去疊句。決不可作北曲唱。蓋北調止有清江引別名江兒水。與此曲絕不相同。則南北可立辨矣。

○春閨

已刻

騷隱生

江頭金桂

用庚青韻

五馬江兒水

最苦是深閨人靜。怎消除愁悶。縈可憎

落英堆砌。褪粉連楹。好時光。驀地傾。

柳搖金

爲伊行

辜負今生。只怕來生孤另。擔着愁城病債。日夕伶仃。
幾番來如醉醒。桂枝香倘伊行作想。豈甘薄行。曉風
清。千里悠悠。夢相思恨不平。

二犯江兒水

五馬江兒水

空爲你相思愁病病來時身也輕怪連

宵潦倒好夢無憑。化西園蝶未成。

朝元令

漏斷玉壺

冰香消寶篆零。

柳搖金

月轉虛櫺。花冷閒庭。這淒涼

仗誰行來問省。

五馬江兒水尾

望不徹銀河水澄。認

不出高唐路景。但只見滿階前碎月明。

江頭金桂

五馬江兒水

剛一見、堵前月影照青苔落絳英誰念

淒涼滿眼花露閒情故園蕪春草生

柳搖金

被伊行

賺却前程又作前程難定試看川原日暮嗷嗷猿鳴

斷人腸風雨繁

桂枝香

坐寒宵漏永低回自省意情

騰又見曉日瞳瞳起相思磬幾聲

二犯江兒水

五馬江兒水

猛聽得幾聲清磬意撩人百恨生想起

那人幽韻剪雪裁冰占風流雅度增

朝元令

詩酒意

亭亭憐香倍有情。柳搖金曾與他解盡春醒。醉看三

星臥花間幽夢醒。五馬江兒水尾轉眼時好事難成。

愁絕處春明將剩幾時得向。鴛幃續舊盟。

○爲顧旦偶題有引未刻張旭初

顧郎美初。眉修蛾綠。眼映波秋。燁燁如待春之

華。亭亭若臨風之玉。歌飛白雪。蒲東巧囀上林

鶯。舞殢行雲。聖湖驚見章臺柳。更情耽問字。興

快傳觴。既半醉之堪憐。復獨醒之可喜。予盟明

侯。兄與之纏綿夙昔。牽戀非常。旁觀共詫其情。

癡彼亦自于其鳩拙。廼偶泛若水之舟。遂不勝
各天之痛。情可知已。秋香可挹。南浦堪邀。因代
構斯篇。以佐佳話。

桂花遍南枝

川皆來韻

桂枝香

前生冤債。今生禁害。眼前花惹禍。招非心上

事千魔百恠。

鎖南枝

喬才想估却風流寨。直恁的妬

殺裙釵。妖冶偏無賽。頭纏錦腰半窄。歌似囀春鶯。舞
似柳條擺。

孝南枝

雙文調

孝順歌

閒時待。忙裏來。撩人促急。呆處乖。蕭瑟冷書齋。窗前且浮白。休教浪猜。是分定緣。該相憐相愛。在那平地波瀾。且自安心耐。

鎖南枝

難道空消受。風月

差爲甚。醒時言。常是醉中收。

鎖南枝

雙調換頭

想起無聊賴。待丟開難擺劃。爲甚方讒別去。却蚤掛肚牽懷。愁蹙雙眉黛。非是癡。還自揣。怕有蝶和蜂。度春色。

江頭金桂

五馬江兒水

你須守燈前盟戒切莫學閒藤纏野蔓

多少餘桃話柄玉碎香埋下場頭真可哀

柳榆金

這

都是烈火乾柴風塵買賣牢記江心把舵勒馬臨崖

願伊行自主裁

桂枝香

這情山義海肯教摧敗莫生

慊。慊。避風臺。從今緊扣鴛鴦帶。會看牢。封錦砌苔。

此調名作雖多。而備員之詞。亦復不少。集中所

收。雖云十之二三。然當行諸作。似乎稍備。其爲

顧且一詞。燈前偶爾戲筆。適值本調將竟。而梓

人索樣甚亟。漫以災木。殊愧明眼。

嶺樵隨筆

附錄譜內新增體并各官花犯曲

○旅思

已刻

舊詞

小措大

用家麻韻

此調向收仙呂今照譜刻

暗潮拍岸。斷江風掃蘆花。鷗鷺破烟飛落汀沙。見漁舍兩三家。在夕陽下。一簇晚景堪畫。悶無語時將珠淚灑。愁轉加瘦損丰姿。只爲他。事縈心髻。添白髮。蹉跎負却年華。

不是路

暗憶嬌娃別後。應憐雨後花。思量煞。徘徊無語。自嗟



北湖拍芳村江
風月蘆花



呀。眼。巴。巴。無。眠。欹。枕。和。衾。壓。夢。斷。蓬。窗。月。映。牕。風。兒。
颯。蘭。舟。未。曉。驚。先。發。去。程。堪。訝。去。程。堪。訝。

長拍

疊。疊。離。情。疊。疊。離。情。重。重。愁。恨。羈。旅。怎。生。禁。架。家。鄉。
遙。遠。楚。水。洶。湧。濶。迢。迢。去。程。無。涯。斜。日。映。紅。霞。望。水。
邨。深。處。酒。旗。高。掛。淺。水。灘。頭。有。鷺。立。枯。樹。上。噪。昏。鴉。
來。往。櫓。聲。咿。啞。正。野。塘。水。漲。浪。擊。汀。沙。

短拍

紅。蓼。灘。頭。紅。蓼。灘。頭。白。蘋。岸。側。曲。灣。灣。水。遶。人。家。還。

再赴京華。怎訴得許多。最滿。異日圖將此景。俺直待要歸去。鳳池誇。

尾聲

煙光映牛羊。下權借村醪。開話今夜相知。恁共咱。

○旅思 未刻

史叔考

小措大

用車遮韻

敲冰進舫。正瑤天忽漫飛雪。兩岸荻蘆風打。稍折見漁火。乍明滅。在江心也。萬頃波濤平貼。暗敲蓬時聽風送葉。寒已冽。香到梅花船未歇。欲向那酒家沽酒。

指尖兒、瓶冷難挈。

不是路

遠岫重疊。半入彤雲。半護雪。人離別。那堪對鏡。漫傷
嗟。淚如血。酒杯兒空向爐頭熱。化不得我愁腸一寸
結。歸心切。兼程一夜無休歇。不憚路途。跋涉。路途。跋
蹠。

長拍

鳥道嶙峋。鳥道嶙峋。猿聲哽咽。跨雕鞍。却把帆。相開
河。迢遞。路崎嶇。一似蜀道。褒斜。聽罷曉鍾。徹見樓臺。

古寺在樹杪。山缺回首杳然無出處。馬頭上濕雲遮。
溪澗水聲傾瀉。白茫茫遠去。曲了兩三折。

短拍

枕冷鴛儔。枕冷鴛儔。衾閒鳳侶。夢逃離空。有蝴蝶好事。
總徒說。若得個苦盡甘來時節。再休提萬千般勞碌。
便韁繩兒斷了。不重接。

尾聲

歸期准在春三月。怕人面桃花去也。把這擔相思教
我何處歇。

○秋日懷馬湘蘭

已刻

梁少白

小措大

用蕭豪韻

桂堂東畔背燈門掩秋宵。孤鴈數聲飛落空濠。奈殘
夢繞天涯。自長于到。寂寞形影誰吊。聽譙鼓南樓天
漸曉。香燼消露冷芙蓉葉半凋。爲娘行頓添縈惱。音
書斷絕無聊。

不是路

暗憶多嬌別後容顏難畫描。花枝嫋春生滿座氣何
豪。喜揮毫風流昔日追蘇小。詞翰當年駕薛濤。描蘭

草秋枝葉葉能奇妙。有這般才調。這般才調。

長拍

湛湛湘臯。湛湛湘臯。盈盈蘭沼。雲水怎禁迢迢。章華臺館。想裙兒半縮。官腰目斷。帝城遙向晚。烟深處。遠山殘照。別浦歸鴉。風正緊。正客棹聚江切。胡爾錦書縹緲。悵月明古渡。浪急回潮。

短拍

宋玉愁多。宋玉愁多。潘郎鬢老。向迴廊遍寫芭蕉。何事女兒曹。只討得秀才家枯槁。望殺秦樓蕭史。直待

吳騷令編

要吹斷鳳鸞簫。

尾聲

金陵驛路原非寫江城日暮好相邀有一二銀漢星
飛渡鵲橋。

○四時宮詞 已刻

李日華

六犯清音 用先天韻

梁州序

瑣窗人靜未央天遠一似嫦娥無伴玉容消

減教人到過芳年

桂枝香

何處流紅葉無心整翠鈿

排歌

鸞將老恨轉添梨花院落冷鞦韆

傍粧臺

怎如

得雙雙燕子在梁間。語怎如得兩兩鶯鶯在沙上眠。
〔阜羅袍〕長門望月深巷鎖煙。琵琶寫不盡思君怨。
鶯兒恨綿綿。春寒尚淺。何日裏侍溫泉。

前腔

雕簷風暖。香堦紅淺。轉眼星移物換。等閒春散。難教
玉貌常妍。○睚鳥詩空在。青鸞信不傳。○銷粧粉冷
篆烟。含情無語倚闌干。○怎禁得纖腰瘦怯。愁如海。
怎禁得白晝淒涼。永似年。○晚涼時候。別殿管絃。奈
重華咫尺無繇見。○慢埋冤。從來薄命多。只是紅顏。

前腔

長生宮殿。珠簾齊捲。愛殺瑤臺月滿。銀河星燦。天孫
此際成懽。○競乞針穿巧。誰憐扇棄捐。○釵開鳳鏡
掩。鸞西風吹鬢。倍淒然。○怎能得簫韶共奏秦臺上。
怎能得雲雨同行楚岫間。○慵題紅葉倦舞翠盤。淚
痕兒界破芙蓉面。○對蒼天。焚香暗禱。願結此生緣。

前腔

繡官添線。冰壺凝箭。縱使梁園雪滿。謝庭才健。吟毫
懶拂花箋。○魚鑰收來晚。龍樓閉後寒。○看橫黛。鬢

驪。蟬。粧。成。雖。好。有。誰。憐。○只。愁。是。畫。圖。誤。寫。王。嬙。貌。
只。愁。是。羅。帶。空。留。白。玉。篇。○鴛。幃。自。守。杯。酒。自。拈。奈。
新。愁。舊。悶。都。難。遣。○倚。窗。前。梅。花。和。月。應。笑。我。孤。眠。

尾聲

病。客。添。思。光。淺。望。不。見。羊。車。來。便。始。信。人。生。際。會。難。

○冬。閨 已刻

虞。交。俞

六。犯。清。音 用寒山韻

梁州序

小。窗。雲。重。凍。鴻。聲。短。忽。見。牆。頭。梅。樹。似。去。年。

花。滿。今。年。人。遠。江。南。 桂枝香 好。雪。迷。桃。渡。陰。風。塞。玉。

關排歌時將晚路轉頑貂裘敝盡您孤單傍粧臺怎

能勾征袍夜絮持郵發。怎能勾疋馬寒飛戴角還。阜

羅袍獸紅銷易心灰較難。眉頭舉不起冰來飯。黃鶯

兒筆尖寒甚時呵煖。重畫舊春山。

○冬閨已刻何西來

六犯清音同前韻

玄陰厲發林霜飄散滿目蕭條無限。孤燈挑盡可憐

角枕空閒。○勵石盟冰節飛蓬減玉顏。○鸞羞舞恨

轉添乘危徒見凍雲旋。○甚時得緝綸竿釣寒江上。

甚時得執籥招繇煖閣間。○折梅拂雪問月臨軒金
罍消不盡填胸障。○病淒涼薰籠斜倚紅淚滴青衫。
○詠壁桃贈魏姬湘鴻

未刻

梁少白

六犯清音

用齊徵韻

華林百種玄都千樹艷色幽香絕異爭如一品天然
淺淡芳姿。○未許霜禽覩還憐粉蝶棲。○梨花榭柳
絮池淡粧濃抹兩相宜。○最愛他舞餘涼月霓裳冷
最愛他歌罷陽春白雪飛。○香含素袖煙籠翠袖更
重門深鎖尋無計。○問仙姬那天台應少何事阮郎

期。

○四時閨情 巳刻

祝枝山

七犯玲瓏 用江陽韻

香羅帶

新紅上海棠。猛然情慘傷。前春有箇人共賞。

梧葉兒

今日在何方。蚤把春心蕩。免教人斷腸。

花

細思量。誰真誰謊。自古佳人薄命怨。殺斷頭香。

羅袍

想桃花也會殢。劉郎怪遠山無計。畱張敞。花陰

月影看看過牆。朝雲暮雨誰覺夜長。

桂枝香

捱得今

宵過明朝又怎當。

排歌

鶯兒對燕子。雙飛來飛去。爲

誰忙黃鶯兒偏不到他行。

前腔

芭蕉映粉牆。綠陰清晝長。炎天倍覺心悵悵。○獨坐
傍南窗。細雨消繁暑。晚風生嫩涼。○看池塘。鴛鴦兩
兩。世上有情都配。偏我不成雙。○碧紗厨。鬆透玉肌
香。珊瑚鉤。誤觸冰絃響。浮瓜沈李。共誰舉。觴調脂弄
粉。爲誰晚粧。○懶向金盆浴。盈盈自解裳。○腰如柳
病似霜。無人共試紫蘭湯。○空惹舊心狂。

前腔

金風透瑣窗。不禁羅袖涼。秋來怕上危樓望。○舉目
總堪傷。衰柳垂寒雨。敗荷擎曉霜。○擊玳瑁簷前馬
響。最恨今宵更漏一似去年長。○看銀河織女會牛
郎。想姮娥一樣情惆悵。從來孤雁傳書故鄉。緣何今
日。渾無半行。○想是恩情薄。非干路渺茫。○芙蓉老
菊藥黃。蕭蕭風雨又重陽。○越越減容光。

前腔

江梅綻蚤芳。雪花籠錦堂。孤眠分外寒威壯。○怎不
倍恹惶。想着他身上。不知寒與涼。○懶梳粧。當年模

樣思憶千般簇擁。不是負心郎。○枕邊廂閒了繡鴛鴦。推香衾。撇下紅羅帳。淺斟低唱。當年洞房山盟海誓。何時象狀。○忽見燈開藥。還聽鵲遶梁。○朝朝拜。夜夜香。伊還歸也。謝穹蒼。○願得永成雙。

○四時閨情 已刻

楊升菴

七犯玲瓏 用尤侯韻

香羅帶

凝粧上翠樓。垂楊映玉鈎。重簾不捲餘寒透。

梧葉兒

羅袖鈿箜篌。彈出江南怨。翻成塞北愁。

水紅

花

謾盈眸。繁華時候。只見王孫芳艸。千里路悠悠。

阜

羅袍

歎韶華不爲少年留。恨青春獨把空幃守。蜂兒

作隊。鶯兒喚友。魚兒不見。雁兒怎求。

〔桂枝香〕

有信書

難寄。無言淚暗流。

〔排歌〕

寬腰帶。脫臂鞦。闌干劃損玉

搔頭。

〔黃鶯兒〕

何日再綢繆。

前腔

昏昏倦倚樓。炎炎暑氣浮。離人最怕初長晝。○薄倖
在何州。粉頸鬆羅扣。弓鞋腿錦兜。○恨悠悠。雲幄雨
愁。辜負調冰點雪。清暑共消憂。○對粧奩不見鳳凰
儔。捻銀鍼懶把鴛鴦繡。碧筒翠華與誰和。酬銀牀珍

簾。與。誰。並。頭。○。香。冷。黃。金。獸。茶。寒。白。玉。甌。○。荷。香。靜。
槐。影。收。夕。陽。西。下。水。東。流。○。天。際。望。歸。舟。

前腔

悲。鴻。度。小。樓。飛。螢。滿。院。流。火。雲。消。盡。青。山。瘦。○。蘆。葉。
暗。汀。洲。南。浦。潮。初。落。西。山。雨。乍。收。○。冷。颼。颼。生。綃。翠。
袖。多。少。淒。涼。證。候。團。扇。掩。嬌。羞。○。只。贏。得。一。重。愁。翻。
做。兩。重。愁。怎。能。勾。長。相。思。變。作。長。相。守。玉。人。何。在。音。
書。枉。投。玉。關。何。處。山。河。阻。修。○。每。夜。燒。香。拜。何。時。秉。
燭。遊。○。銀。河。淡。壁。月。浮。纔。看。織。女。會。牽。牛。○。指。日。又。

步馬小集
中秋。

前腔

寒光凍玉樓。霜威透錦裘。起來呵手雙眉皺。○對鏡
懶梳頭。嬌淚紅冰落。長眉翠月愁。○憶藏闌去冬時
候。誰承望。今經別久。轉眼歲華週。○風掀衣。只道玉
人揚雪敲窗錯認。檀郎叩。誰堪相伴。銀燈半篝。誰來
相探。銀蟾半鈎。○業瘴千重積。恩情一筆勾。○梅橫
瘦竹影。幽幾曾蝴蝶夢。莊周。○默坐數更籌。

○遇陳芳蘭于虎丘作

已刻

梁少白

七犯玲瓏

用東鐘韻

〔香羅帶〕

琳宮驀地逢。脩然林下風。飛瓊控鶴來雲洞。

〔梧葉兒〕

飄忽入芳叢。柳撼鶯初識。路紆花未通。〔木紅〕

〔花〕

奈匆匆。一時愁冗。豈料尋踪覓跡重。訪曲闌東。

〔羅袍〕

似賃春。孟女托梁鴻。效聽琴。崔氏投張珙。空庭

月滿。花香酒濃。閒堦露下。釵橫鬢鬆。

〔桂枝香〕

密語還

重訂春詞定幾封。

〔排歌〕

巫陽夢恨又空。上方風落夜

堂鐘。

〔黃鶯兒〕

環珮有無中。

○再寄芳蘭

已刻

吳騷合編

附錄各官曲卷四

四十八

前腔

用先天韻

犯調註前

芙蓉翠館仙別來。今幾年。浣花溪畔驚重見。○誰發
夜深船。野店鷄初醒。水村人未眠。○總畱連。恩情還
淺。不想前生少欠。要了此生緣。○解犀梳分却翠鬟
蟬。剪湘裙畱下生綃絹。這相思何處歸鴻水邊。夢魂
飛去。翔鸞鏡前。○宿約渾無定。私書未敢傳。○初寒
日欲暮。天多應伴月立西軒。○愁絕小嬋娟。

○代金壇王姬錫山渡口惜別

已刻

梁少白

七賢過關

用支思韻

雕簷風馬馳。粉堞霜鳥起。幾夜留君想。是終難住。○
殘燈尚熾芳心未灰。○只得眼前。眼前絲他去。路阻
關河往返。全憑你。○奈衾寒枕冷。畢竟有誰知。○水
遠山長。幾日歸。今朝又向江頭別。忍見月落潮平。是
去時。○思君輾轉柔腸九迴。○一似東流水。日夜東
流無盡期。

○春思

出雍熙樂府

元詞

前腔

韻同上

春風花草香。遲日江山麗。萬紫千紅。總是傷情處。○

身與今新
懨懨爲伊愁。懷爲伊。○只聽得管聲。管聲喧天地。縱
有笙歌。不入愁人耳。○見鶯花憔悴。杜鵑語聲悲。○
梅子心酸。柳皺眉。一春魚雁無消息。悶得我似雨打
梨花珠淚垂。○空房獨守。此情爲誰。○冷落閒庭院。
暮雨蕭蕭。郎未歸。

此調譜中未有明註。卽少白所列名目。亦未甚
確。故寧闕之以俟知音。不敢杜撰以滋物議也。

○題情

未刻

張伯起

九迴腸

用宋麻韻

解三醒

一從他春思牽掛到如今多少嗟呀秋波望

斷藍橋下鎖春山又阻巫峽音書未托魚和雁凶吉

難憑鵲與鴉成話靶

三學士

當時鏡裏花難把更那

堪塵掩菱花佳人已屬沙吒利義士今無古押衙

急

三錦

只索向無人處把鮫綃看兒盟言在不覺淚如

麻

前腔

一從他相逢月下嘆緣慳咫尺天涯看來眼去情傳

話攪春心一點如麻思情指望長厮守風浪誰知起

吳騷合編

附錄各官曲卷四

五十

衆譁擔驚怕。○想前生曾欠鴛鴦債。今世裏合受波
查。到做了鏡中鸞影波中月。夢裏幽期霧裏花。○誰
知我意中愁。心中想。閒中客。獨坐小窗紗。

○懷舊

已刻

孫百川

九迴腸

用江陽韻

解三酲

對燈兒幾番思想。挨枕兒無限淒涼。燈殘枕

冷空惆悵。夜兒短。夢兒長。人從夢裏空來往事在心

頭。日付量。簷尖上。

〔三學士〕

常時描出愁模樣。鏡兒中

暗怯風霜。愁容蕭索。花枝瘦。病體凋零。柳葉黃。

〔急三〕

錦

挨幾箇燈兒滅。香兒盡。月照人孤另。花影冷紗窗。

前腔

用皆來韻

苦心兒終朝寧耐。惡病兒鎮日難挨。意中人隔愁雲。
外黃葉恨滿空街。春宵剩有心頭愛。錦字難教病裏。
裁空耽待。○西風一枕相思債。怎教人盡付沉埋。隔
河夢斷經年約。對月人思千里來。○你試聽風聲急。
雁聲孤。幾度柔腸碎。又添的。雨聲哀。

○贈李姬湘蘭

未刻

史叔考

九迴腸

用桓歡韻

吳騷合編

附錄各官曲卷四

五十一

解三酲

爲一點香生九畹。儘春風幾度盤桓。調琴弄

瑟。拈銀管。文與翰。曉殷殷。那揚州縱有蕃釐觀。怎比

我江南花柳冠。誰輕喚。三學士更一種溫柔人。自喜

洞房深。怕少乘鸞。你偷香自比人如買。我竊玉真慚

客姓韓。急三鎗試看那芙蓉上梧桐畔。水輪皴。助我

罄交歡。

○春日題情 已刻

梁少白

巫山十二峯

三仙橋

院落清明左右。遇花時。倍憐憫。悠關河路阻。雁

歸書未有

百練序

清晝上小樓。奈觸目雲山都是愁。

難尋。窈窕風餐水宿。淡煙疎柳。

醉太平

輻輳雙雙配偶。

是誰人打散。覆水難收。離筵恨。請書不盡。舊日根絲。

無響

晉天樂

緣何處處藏機。殼誓把菱花生。分割繫。

春鴻另。趙書郵掣。文鴛還。添械。枉絆驕驕使人更射。

戈矛

征胡兵

千山萬水親投首。逆來俱順受。自知萬。

死一生爲郎甘出醜。

香遙滿

認千般斷送。已拚却一。

命丟。誰知恁這毒劣。却又得神明佑。

項齋寒

歎如今。

流落滄洲。何處天南海北頭。料停雲滯雨似漂渺。張。

鷗

劉潑帽

想房櫳靜掩斜兒皺應未休性格兒還如

舊

三換頭

風花路岐暮雲時候秋深別館想寒生散

裘此事明知拖逗這其間只是我不合來把伊掣肘

賀新郎

致娘行害得無人救音信遠有誰叩節節高

風迴順水舟坐中流江頭有日輕帆走功名就風志

酬姻緣又彩雲飛處青鸞驟

東甌令

腰纏騎鶴上揚

州談笑覓封侯

尾聲

喜重諾言非謬試看織女共牽牛擬定相逢在歲週

○友人談夢戲贈

未刻

沈伯英

巫山十二峯

用東鍾韻

三仙橋

一片情雲引弄好風光肯輕送吟餘篆冷坐

來清思迢

白練序

濤松度晚鐘正寂寞雲巢塔院東

羅浮夢魂銷影斷漏沉更永

醉太平

驚動疑是玉人

笑擁却不道風來月下竹影節空迴廊偏倚行踏盡

艸徑蒙茸尋踪

普天樂

只見微燈隱處雲垂東曲水

迴流層巒拱夾疎槐碧瓦朱甍扣高扉金環玉棟見

雙鬟笑將手揭雲封

征胡兵

遙知路渺東牆宋道鸞

絨怎通步來瑞靄香霏忽導明紗絳籠香遍滿馮葡

萄碧窈儘拚斟玉觥恍身遊綺繡叢又引入桃源洞

瑣寒窗喜瑤臺月底初逢想雲裳花似容料仙踪浪

跡夙世情鍾劉潑明瓊窩帳暖人兒瑩煞意濃一點

兒靈犀貢懶畫眉玉粉圓搓軟香融真箇隱約豐柔

怯畫工好似溫泉浴膩舞春風不知若箇氤氲使賀

新郎把移花手段權時用別去也又得幾時共節節

高天鷄喚曉紅語匆匆依稀囑付那珍重呼爲鳳疑

姓龍行排仲看姓名香處人爭誦東廂令却被一聲

清磬響空濛。旭日到簾櫳。

尾聲

笑牛生輕傳詠。又有箇梅魂空引。趙師雄抵多少雲雨巫山十二峯。

○曉夜閨情

已刻

陳秋碧

十二紅

用江陽韻

山坡羊

伴孤燈三更情況。捱剩枕幾番移放。想當初

此時共他樓香肩睡足芙蓉帳。五更轉到如今獨自

宿空惆悵。燈兒半滅。半滅銀缸上。你看殘月低沉。又

蚤鐘鳴鷄唱

園林好

聽啼鴉林梢曉霜日弄影花篩

紙窗怕對鏡重添悵快

江兒水

羞殺胭脂粧不就桃

花模樣

玉交枝

眠思夢想對朝餐無心去嘗好花曉

怯枝頭放戴不上昨夜殘粧

五供養

嘆我纔離鴛帳

又蚤見雙飛燕來燕往起來無半日淚滴幾千行怕

綉那傷心雨雨鴛鴦

好姐姐

午晌倚樓凝望人隔著

山遙水長

玉山供

穿校日影又過粉牆西向香閨人

寂寞意徬徨綉鞋兒雙褪晒西窗

鮑老催

此情慘傷

疎林宿鳥喧夕陽人歸不似飛鳥忙

川撥棹

想起他

虛說不思量。歸故鄉。愁殺人。傷晚。淒涼。愁殺人。傷晚。
淒涼。馬負義。虧心薄倖郎。嘉慶子把燈兒點上銀缸。
把燈兒點上銀缸。怕捱過黃昏。又怎當。僊僊令聽
嘹。孤雁泣。點點漏聲長。夜靜更深。人悽愴。總夢裏相
逢。魂渺茫。此調譜中不載論見南呂十樣錦後

尾聲

一年未了相思帳。一月月難消磨。障怎禁一日十二
箇。時辰空斷腸。

○閨怨 已刻

林石崗

十二紅

用車遮韻

山坡羊

照孤衾寒燈半滅。捱誰敲鼓三更初歇。要什麼

夢兒中見他。蚤醒來添箇新離別。

〔五更轉〕

恨鐘聲和

鷄唱催殘月。幾番眼上。眼上空流血。守着露冷霜寒。

衾枕何曾寧貼。

〔武武令〕

轉流鶯枝頭韻切。催花雨朝

來凜冽。寒料峭曉風把繡戶偏推拽。

〔江兒水〕

惱人半

胸心頭熱。剩枕閒衾堆疊。雲鬢鬆。掙不住起來嬌

怯。〔王交枝〕

香奩頭撇。剖雙鸞菱花半缺。瘦龐兒粉褪

胭脂謝。賣花聲空自嘔咽。

〔五世養〕

你看雲收雨歇。弄

新晴花影半斜。時過五十刻。腸斷兩三折。情在心頭。

人還離別。好姐姐生惹相思病。抽挨一刻如挨半月。

玉山頽沉思倦想。忘却坐來時節。暮雲扶日色。又回

車。疎林掩映夕陽遮。鮑老催登樓慘切。爭喧渡頭人

歸也。恨他何處貪歡悅。川撥棹看投林鳥疾如梭。不

暫歇。照紗窗。又見新月。照紗窗。又見新月。嘉慶子更

照我孤星偏皎潔。把相思空掛唇舌。把相思空掛唇

舌。幾箇黃昏。經挫折。僥僥令却憐更漏永。那得繡衾

熱。展轉無眠。成瘦怯。便合眼。莊周飛浪蝶。

尾聲

十二時中成萬結。奈離別經年動月。却教我晝夜思

君空自說。

○題情 已刻

吳載伯

十二紅 用江陽韻

山坡羊

鷄聲兒啼來。孤帳鐘聲兒傳來。書幌夢驚回。

衾寒半牀。披衣起。獨坐牙牀上。五更轉想與他三丈

日多歡暢。如今曉起。曉起無情況。勉強梳頭。羞看鏡。

中模樣。圓林好見紅輪。瞳瞳小窗空。擺列朝餐懶嘗。

待弄筆圖他形像。江兒水無奈纔思先自神魂飄蕩。

玉交枝

客來罷想接言談全無主張。忘前失後如癡。

狀被他們叅破行藏。

五供養

歎我情懷如喪。這相思

却教對誰說向。枕虛陽美茗。爐暖鬱金香。欲待閒行

倦走迴廊。

好姐姐

難講。他諸般停當。真個是風流女。

娘從辰至巳。思量又午晌。

玉山頽

沈郎腰瘦損。病難

當時看羅帕淚千行。

鮑老催

情深怎忘書來幾番稱。

罷耕蠟看。不畫脂粉荒。

川櫻棹

想起添惆悵。奈關河

路渺茫。這良緣何事相妨。這良緣何事相妨。

嘉慶子

偏把佳人各一方。看疎林又掛斜陽。看疎林又掛斜

陽。花下何人共舉觴。

〔僂僂令〕

聽初更人靜悄。二鼓自

淒涼。睡醒三更四更。恁受盡了五更兒滋味長。

尾聲

看看不覺東方亮。聽鷄兒喔喔頻唱。不管離人欲斷

腸。

○紀情

未刻

王玉陽

十二紅

用尤侯韻

山坡羊

冷蕭蕭風狂雨驟。恨悠悠經年拖逗。遠迢迢

青禽信來急匆匆特地相攔就

五更轉

你在意憐抵

灰捱堅心守桃花人面相逢又嬌情依前只是添些

消瘦

園林好

你爲我怨吳宮逗遛我爲你罷長安浪

遊

江兒水

向只道情緣虛謬今日纔知不負神前盟

呪

玉交枝

低聲細剖落半籠如何自繇爲多才受盡

閒傷慙險些兒覆水難收

五供養

春殘秋後盼一紙

書來望斷雙眸燈前腸自結枕上淚長流泣柳啼花

做下了百般心疚

好姐姐

休疑情拋愛丟廿九灰寸

心同朽

玉山頽

怕機緣中斷偷自淚淹衫袖離多歡

會少似女和牛難將心事隔年酬鮑老催你是個雕

籠彩鳩做不得紅綃半夜踰畫樓做不得章臺片晌

馳紫驄川發棹空消受似浪花中權聚首惡風波又

起前洲惡風波又起前洲嘉慶子促急裏文鴛分並

頭眼睜睜一樣離憂途路茫茫兩處愁僥僥令你行

雲歸楚岫飛夢隔揚州恰正是地窄人稠難分手

剛道個莫相思滿頰羞

尾聲

這恩愛從來有似你鍾情偏厚教我腸斷瀟湘一葉舟

附錄譜外變調

○閨情

照墨憨齋改刻稍異原稿

陸包山

漁燈兒

用齊微韻做南西廂聽琴曲譜中不載

沒來繇惹相思感。損愁眉。悄不覺帶兒鬆。瘦削腰圍。
你若是當我做牆花路柳垂。怎便肯輸情畱意。這姻
緣須不是露水夫妻。

前腔

別來後却緣何魚沉雁稀。空自把方勝回文錦字題。
誰與我披星帶月傳將去。煞強似向黃昏呆想閒提。

又須防寄書人拆了封皮。

錦漁燈

桃源路。盼不得漁郎棹回。巫山路。怕襄王好夢無期。
章臺路。楊柳青青列路岐。短長隄。終日裏送人歸。

錦上花

我若是得見伊。再休題歡會遲。把從前愁病盡都醫。
我若是夢見伊。也強如久別離。又怕夢魂驚破四更
雞。窗外月沉西。

錦中拍

鴛鴦帶從今拆毀。盼甚麼佳期。全不想窗前共倚。全
不想月中同誓。把恩山義海。朝更暮移。弄得個花憔
柳悴。弄得個鶯悲鳳泣。兩字姻緣。萬種滋味。好教人
難迴避。

錦後拍

本待要把熱心腸。一時灰不覺冷。地又癡迷。向誰行
告理。向誰行告理。他若是勸伊行和咱相會。那時節
到神靈辨個是和。非這田地。總費些兒閒氣。也免得
無人處。獨自哭啼啼。

尾聲

千愁萬恨空堆積。都付與落花流水。爲甚的煩惱心頭只自知。

世所傳李日華西廂記有漁燈兒一套。蓋卽王實甫北詞而被之南聲者。九宮譜舊所不載。第其詞音調悽惋。人喜歌之。偶閱吳騷集。擬有閨怨一套。刻陸包山。而詞亦流利。恨兼用齊微支思二韻。後見墨憨齋改本。悉去借韻。復調平仄。毫不戾嗓。洵可快也。亟爲傳之。

太霞新奏評

○秋夜懷程文卿

未刻

沈孚中

漁燈兒

用庚青韻


此調譜中不載論悉前曲

從那日冷桃源漁艇空撐便領下沒頭絲花月文憑
淒涼路獨自箇黃昏帶淚行經歷盡斷腸邊境纔知
道相思郡路接愁城

漁家燈

呆呆地石人般沒緒無情倒貶做了不語西來面壁
僧還堪笑生平浪說肝腸硬到此地不繇人不熱痛
寒疼滿心窩盡填漫一箇文卿

新刊
漢水





錦漁燈

陪伴俺只留得半莖冷影斷送俺還不消幾下寒更
再不點夜夜生花說謊燈竟無靈填橋鵲一聲聲

錦上花

人說道醉了寧我孤斟愁幾醒對霞觴反恨不雙擎
人說道睡了停我思眠愁要醒只被幾聲長嘆到天
明夢也竟何曾

錦中拍

書生輩椿椿薄命拿不穩前程剛着足花村柳徑便

做了下梢頭領。一首合歡詩稿。兒未謄單。思案誰來
折証。斷腸譜空來掛名。幾句情辭。一杯香茗。是愁壘
萬千層。

錦後拍

偏要向斷藍橋起。工程煨祆廟。重建牡丹亭。縱藥方
靈應。縱藥方靈應。不割捨。便醫痊。這般佳病。就箇中
日月住。今生沒僥倖。排耐心。而等不來呵。難道便丟
箇不惺惺。

尾聲

把癡情牢守。定權發付衾寒枕剩。須有日花前共證盟。

此調以北麝南而聲韻悠揚。頗稱巧合。西廂而後。詞林無譜此詞者。近惟陸包山一套。向收集中。後則僅見王伯良麗情一作耳。伯良筆性道勁。雖韻嚴律叶。而鑄詞間有生澁。此套固在予所不賞。正苦繼美。而孚中以是曲見寄。讀之。不覺擊節。亟爲付梓。孚中俠骨嶙峋。騷情放浪。所著有綰春園傳奇之刻。讀其曲。自見其人。嶺樵

附錄南北間調

○閨怨 已刻

祝枝山

新水令 用尤侯韻 北雙調

一春無事爲花愁。對東風轉添憔悴。盼多才難割捨。
對好景慢追遊。歲月如流。心上事今非舊。

步步嬌 南仙呂入雙調

獨掩紗窗空把香囊綉。無語沉吟久。香閨淚暗流。自
恨無緣將好事難成就。何處訴離愁。淚珠兒濕透羅
衫袖。

折桂令

北雙調

這幾日爲傷春懶上粧樓。所事兒一一難留。對人前
把精神強抖。飲食不週。想當初實指望天長地久。到
如今空惹下蝶怨蜂愁。情思悠悠。無了無休。空辜負
畫堂前柳眉桃嬌。換不過繡幃中日暖風柔。

江兒水

南仙呂入雙調

玉腕常虛溜。湘裙過掩頭。今春更比前春瘦。見雙雙
燕子歸來後。悶懨懨鬼病相纏。守無限淒涼消受。靜
掩重門。捱幾箇黃昏時候。

雁兒落帶得勝令

北雙調

空對着碧溶溶。一影篝暗數着靜悄悄。三更漏。圍伴
着薄怯怯翡翠衾。空倚着香馥馥黃金獸。纔要做一
個團圓夢。又被那子規聲在窗外頭。看看月轉過鞦
韆架。又被曉鶯聲送我愁。休休再不索閒窮。究甚的
因絲不是冤家不聚頭。

僥僥令

南雙調

繡幙珠簾懶上鈎。日午倦梳頭。一任釵橫雲鬢亂。淚
灑春山兩臉愁。

收江南

北雙調

呀。蚤知道這般樣春光虛度呵。何日裏訴離愁。俺只見過時桃杏不經秋。你如今好休俺。如今好丟只恐怕文君不北舊風流。

園林好

南仙呂入雙調

海山盟全不應口說的話。都成怨。管負心的蒼天不祐。須有日看傍州。須有日看傍州。

沽美酒帶太平令

北雙調

嘆春光似水流。嘆春光似水流。不覺的一年休。俺只

見雨雨風風暗結愁。紅雨散絲雲收。鶯儔燕子報新秋。秋不。明。白。冤家拋人在腦後。甚日裏得佳期成就。不記得拈香設呪。我呵俺和你志投意投。那些兒不投呀。要相逢甚時能彀。

尾聲

多才不來空倂然。幾回凝望斷雙眸。何日看花滌水洲。

○ 閨情

已刻

唐伯虎

新水令

用先天韻

南北宮調註前

水沉消盡瑞爐烟。夢驚回。可憎語燕。掩重門。深小院。
空辜負。艷陽天。花柳爭妍。好教人。倍傷感。

步步嬌

徐步閒庭。試把愁懷遣。無奈金蓮倦。心中愁萬千。滿
目繁華總。是離人怨。默默悄無言。把欄杆十二閒凭
遍。

折桂令

數歸期。惟困春纖。纔見春來。又蚤春還。盼多才。雲鬢
倦整。綉線慵拈。恨東風吹散了。殘紅萬點。怨東君收

拾去光景無邊。心事綿綿。鬼病懨懨。又蚤見南窗外
新笋成竿。

江兒水

瞬息端陽至。門庭艾虎懸。想年時共賞荷亭畔。切菖蒲慢把金尊勸。浴蘭湯相並。搖紈扇。誰料薄情心變。
一別經年。杳沒個音書回轉。

雁兒落帶得勝令

我爲他被娘行苦自嫌。我爲他被姊妹們相輕賤。我
爲他消疎了柳葉眉。我爲他清減了桃花面。我爲他

滴盡了相思淚。我爲他茶飯上不週全。我爲他害了
懨懨病。我爲他終夜裏竟忘眠。天天怎不與行方便。
若得他團也麼圓。準備着誓盟香答謝天。

僥僥令

丹桂飄香出廣寒。皓魄闌。嬋娟嘆我孤幃無人共。心
自想。姮娥也獨眠。想姮娥也獨眠。

收江南

呀。蚤知道這般樣薄倖。呵。誰待要結良緣。捱盡了衾
寒枕冷。夜如年。愁聞征雁過樓前。一聲聲可憐。一聲

聲慘然。爲甚的。冤家不把信音傳。

園林好

你緣慳奴身命。蹇別時易相逢。甚難一任雲鬟撩亂。
零落了翠花鈿。憔悴了粉容顏。

沽美酒帶太平令

值嚴冬。陽九天。彤雲布朔風旋。只見柳絮梨花亂撲。
簾獨坐在獸爐邊。烹鳳髓煮龍涎。銷金帳共誰歡忭。
不記得雙雙罰愿。我呵到黃昏轉添悶。懨懨對清燈悄。
然淚漣呀。猛傷情把玉釵敲斷。

清江引

紅顏古來多命蹇。不索將人賺。惻惻兩淚流。界破殘粧面。望長安。路迢遙。郎去遠。

○閨情 已刻

沈青門

新水令 用尤侯韻 南北宮調註前

一聲孤雁送新秋。頓教人轉添憔悴。暝烟楓葉晚涼。雨桂花秋。燕侶鶯儔。甚時得重完就。

步步嬌

底事慙慙如中酒。鎮日看常皺。浪子不回頭。着意沉。

吟。自。也。難。窮。究。欲。訴。恨。無。繇。把。相。思。就。裏。空。憐。憐。

折桂令

在。耽。着。閒。悶。閒。愁。不。在。心。頭。定。在。眉。頭。只。爲。你。心。腸。
忒。狠。語。話。全。浮。寄。離。情。書。何。得。有。待。相。逢。夢。也。難。求。
着。甚。來。繇。曉。夜。無。休。又。不。是。魚。水。相。懽。膠。漆。相。投。

江兒水

有。意。花。空。待。無。情。水。自。流。看。從。前。光。景。都。非。舊。在。西。
風。吹。起。滄。江。皺。奈。浮。雲。點。破。青。山。秀。觸。處。如。何。消。受。
淚。顆。無。端。展。轉。亂。垂。如。斗。

雁兒落帶得勝令

空只恁霧鎖了金梯。翡翠樓塵蒙了錦被。鴛鴦繡絳
絕了瑤琴。鸞鳳音箋。燼了玉鼎。狻猊獸寂寞。殺傳書
白雁秋。冷淡殺流詩紅葉溝。辜負殺對影青鸞鏡。淒
涼殺交歡碧玉甌。羞羞殺了偷香手。愁也麼愁。愁
殺了枉離魂倩女遊。

僥僥令

涼浸閒庭宿雨收。敗葉亂盈眸。悶把年光閒屈指。看
重陽又過頭。看重陽又過頭。

收江南

呀。蚤知道是這般樣情分呵。枉擲損玉搔頭。空復把
翠綃封淚。寄牢收。翻做了波上一浮鷗。細思量轉差。
不覺西風吹老故園秋。

園林好

那再說鸞交鳳友。那再說鶯諧燕儔。信是虛耽生受。
消盡了玉般柔。消盡了玉般柔。

沽美酒帶太平令

桃花溪楊柳樓。茶蘼酒鷗。鵲謳一在烟月空濛到處。

留費盡了錦纏頭。只管誇乖俏。逞風流。全不念星前
交厚。全不念燈前罰呪。我呵。到如今。總丟不休。雖然
罪尤似讐。呀。見他時。管取懽顏如舊。

清江引

姻緣分定終須有。只是眼下難消受。追想別離情。豈
盡成虛謬。免不得向人前問破了口。

○閨情

已刻

沈青門

新水令

用庚青韻

南北宮調註前

半宵殘月夢初醒。瘦巖巖。怎當愁病。翠衾閒剩。楊碧

烟冷疎燈。推徹寒更。不繇人淚珠迸。

步步嬌

展轉將伊重思省。底是心腸硬。看來鐵有情。鐵遇紅
爐也。自回柔性。那道負前盟。似風箏線斷無踪影。

折桂令

倚圍爐暗裏傷情話也。看攢說也。心疼受了些悶悶。
懨懨孤孤另另。怨怨憎憎。冷落了獅頭翠鴨。寂寞了
鳳嘴瑤笙。再休提並坐同行。共盞同傾。都做了亂紛
紛蝶夢無憑。

江兒水

一自書來後書來話又更書來書去全無定算從前
盡是他薄倖到如今只怨咱薄命漫惹一身多病枉
自薄情好一似搬鹽投井

雁兒落帶得勝令

厮琅的金鬆了鎖鳳繩撲騰的玉倒了牢籠穿死碎
的瑤分了別鶴琴咕咕的碎剖了離鸞鏡因此上羅
帶緩又重增因此上珠淚滴那曾經因此上碧蝴蝶
描難就因此上錦鴛鴦夢不成聽聽又蚤是鐘初靜

愁也麼生。怎禁他斷人腸。杜宇聲。

僥僥令

星落花梢曙。影生淡日上疎櫺。且把愁容還臨鏡。空
獨對明窗恨。復增。

收江南

呀。都只爲冤家薄倖呵。撇得咱冷如冰。全不管倒枕
捶牀淚暗凝。一任教金錢瓦卜。總無靈。這懨懨病成。
這懨懨病成。折磨得離披瘦損。那討似人形。

園林好

多情絲何須再省料。必是前。先做成。其須是天教。月
老偏繫着。斷頭繩。生做下。苦伶仃。

沽美酒帶太平令

在自叩天罡問。君平。藝寶。鼎告蒼冥。百次千番。恁至
誠空只自費勞承。那裏是美前程。怎跳出淒涼厄境。
成就了歡娛佳興。俺呵。把些個海山誓盟。兀的那愛
情牙。一笑間。兩相質證。

尾聲

更從頭將心訂。朝歡暮樂儘平生。再不去花月庭前。

着意等。

○夜窗話舊 有序 已刻

凌初成

余飄蓬浪跡。落魄餘生。滅竈重燃。殊愧梁鴻負
氣。着禪賣賦。敢言司馬多才。心未用於挑琴。眉
豈期于舉案。河陽氏者。標俠骨於芳叢。蘊文心
於綺閣。揚聲雲過。爭揮買笑之金。歛袂風迴。脊
至纏頭之錦。夷然如不屑意。黯矣而欲銷魂。長
顰西子之眉。慮入沙奴之手。綢繆屢束。薄倖時
遭。忽於四壁之家。獨成滿堂之目。漫因一諾。縱

千金而不移。遂結三生。矢百折而靡悔。影伴屋
梁之落月。夢離巫峽之行雲。葺居以待征人。干
茅索綯不言苦。闔閭而逢暴客。探囊賦篋遽云
空。無非熱典憐才。竟爾息心。皈命。但知盛名之
下無虛士。不嫌天壤之中有王郎。因故園之歉
西成。乃輕裝而屈南服。始營新壘。驕鶯燕之雙
飛。時撫舊弦。絕螳螂之後捕。壚頭酒熱。窗下燈
明。傾數斗以談心。對三星而叙舊。諧之律呂。慙
非白雪之章。傳諸管絃。冀作丹衷之証。云爾。

新水令

用齊徵韻

南北官調註前

夜窗相對一燈微。把從前、悄然思憶。是情緣都落後。
在俠骨、總休題待說。因依業身軀。蚤撲懽惚地。

步步嬌

想當日無端閒遭際。正值風波起。因緣在此期。一度
追隨。一番迢遞。卽漸的意難離。莽思量許下。諧姻契。

折桂令

少甚麼貴游門。百縱千隨。都看做鶯花羅網。風月簾
離。須知俺運阻鵬搏。更那堪計同鳩拙。誰承望嫁逐。

鷄飛總爲些蕪心密意語話投機一念皈依更不支
離用不着媒妁通言一霎里之子于歸

江兒水

曾被多人誤。今朝却遇伊。越臉的閒趁些風流趣。村
沙的硬攪了溫柔會。負心的白賴着牙疼誓。一抹地
無根無蒂。只爲情緣。幾墮落爲人一世。

雁兒落帶得勝令

你爲我被無端苦禁持。你爲我受無干閒談議。你爲
我把巧機關脫着身。你爲我把親骨肉拚的離。你爲

我含着淚數歸期。你爲我擔着怕掩雙扉。你爲我將
悶弓兒實丕丕。心頭繫。你爲我將畫餅兒眼睜睜待
療饑情。癡寫寒酸圖。什麼名和利。心機鎮朝昏。自支
撐飯共齏。

僥僥令

君愁無兩翼。妾恨有雙眉。又被強徒生惡意。把衣裳
盡作灰。妾驚惶。君未知。

收江南

呀。蚤知道恁般樣。遭際阿誰待。要暫拋離。當不得東

塗西抹自支持南來北往費驅馳更沒些暇期更沒
些服期險摧殘一塊望夫石。

園林好

事多魔從來有的。但心堅何須再題好。自把前程端的
整備着。燕雙飛。蚤則待脫藩籬。

沽美酒帶太平令

故園蕪無可依。辦絲鷁却南飛。看兩兩雙雙定止棲。
任饒口自涎垂。還堪笑浪游的。費纏頭。三心二意強
盟誓。千方百計。喬說合。十拿九離。俺阿。更相將舉杯。

酌壘消多少。拂鬚解頤。呀。除是鸛鷀裘。俏當爐。那人無愧。

清江引

而今總是姻緣矣。莫說恩和義。但作帳中音。常記燈前誓。惟願取永團圓。恁是喜。

余於白下。始識初成。見其眉宇恬快。自負情多。復出著輯種種。頗有謔浪人寰。吞吐一世之槩。及以曲見擲。而調諧呂律。字洽陰陽。用韻尤嚴。寫情欲溢。試爲三復。其風雅不可想見哉。

懸隱

附錄北調

黃鐘

○秋思

未刻

陳秋碧

醉花陰

用魚模韻

窗外芭蕉戰秋雨。又添上新愁幾許。珊枕剩繡衾餘。
落雁沉魚。眼底知何處。酒醒後細躊躇。一寸柔腸千
萬縷。

喜遷鶯

把離人愁助。鬧西風翠竹蒼梧。蕭疎粉牆外霜砧轉。

轡一片秋聲。斷斷續。不知人心上苦。推不過。追魂鐵馬。更和那索命銅壺。

出隊子

記柳邊朱戶。乍相過。春正初。看一簾花霧。暗香浮。愛滿地涼蟾素練鋪。聽四座笙歌紅袖舞。

么篇

想多情丰度。論褒彈。事事無。他有那西施妖艷不傾。吳小小風流不姓蘓。巫女精未遇楚。

刮地風

看了他閉月羞花天付與。又有須傳粉塗朱。整羅衫
款把寒溫序。禮法誰如。偶能發一番遭遇。便拚下百
年歡聚。死生情。山海誓。永無憂慮。似鸞凰緊趁逐。畢
罷了寄東傳書等閒間。長就連枝樹。這言辭豈是虛。

四門子

自別來幾見垂楊綠。悄然的音信疎。瘦影兒單。好夢
兒孤。憶分離。恁時風景殊。樹影兒沉。日色兒晡。擺列
下淒涼隊伍。

水仙子

我我我自嘆吁。罷罷罷姻緣薄。仍將姓字除。准准准
斷雲將楚岫。遮攔敢敢敢。桃花把天台截住。來來來
生分開比目魚。呀呀呀。兩三朝鬼病柳榆。是是是。教
吹簫月明無伴侶。他他他。把六朝金粉收拾去。單單
單。畱下寫恨幾行書。

尾聲

曾指歸期在春暮。却又蚤霜冷。菰蒲把燈花影兒終
夜卜。

○春懷

未刻

古辭

等閑王貳達
持楊





醉花陰

用蕭豪韻

春困書齋夢魂擾。誰似俺如今這遭。相思病怎生熬。
竹影頻搖。越感得傷懷抱。心間事對誰學。似這般無
打算淒涼何日了。

喜遷鶯

想多情容貌。一團兒玉軟香嬌。難描萬般嬌娘。想着
俺倒鳳顛鸞那一宵。指望待同到老。不思量火燒了
祇廟。水泚了藍橋。

刮地風

鐵馬兒在簷前不住搖。引得人心癢難撓。金風淅淅
添煩惱。更那堪砧杵頻敲。鬧啾啾蟬鳴柳稍。絮叨叨
蟲吟磚竅。這壁廂。那壁廂。咕唧唧。魄散魂消。想起俺
雜情的女。艷嬌。空着我無語無聊。你道我每日花胡
哨。你風流罪有萬條。

四門子

我儀容不似潘安好。你難同蘇小嬌。秋風兒起。梧葉
兒凋。綻黃花有如蜀錦袍。秋風兒起。梧葉兒凋。不覺
得零荷敗草。

古木仙子

紛紛的瑞雪飄。凜凜的寒威侵畫閣。悠悠的山寺裏
鐘聲切切的戍樓上寒角。呀呀幾般兒厮湊着。漸
漸的鬼病難逃。是是他無緣。料應我命薄。休休休
我爲官他請夫人誥。俺俺俺重準備鳳鸞交。

尾聲

今日個夫婦和諧盡歡樂。喜孜孜月夜花朝只願得
普天下有情人完備了。

正宮

○懷舊

未刻

陳秋碧

端正好

用支思韻

珊枕畔麝蘭香。羅帕上鴛鴦字。引得人無明夜坐想。
眠思不甫能遂了。今生志。又惹起閒愁至。

滾繡球

想着那抱銀筆寫怨詞。並香肩詠柳枝。我爲他朋友
中受了那許多譏刺。他爲我母親行惹得來常是參
差。他爲我鍼指上撇了半年。我爲他筆硯上疎了許
時。他敬我勝敬似飽文章玉堂學士。我愛他更愛如

擅風流金屋嬌姿。撒不得他腰欺楊柳風前態。忘不得他口吐丁香舌上私。眼底何之。

倘秀才

一個是善歌舞梨園教師。一個是知律呂蘇州刺史。端的是才子佳人信有之。一個懷春消粉暈。一個想像廢神思。不分箇彼此。

滾繡球

好恩情半霎兒。惡愁腸十二時。幾番家簡帖兒上錯。簽了名字。有時節卦爻兒中倒點了干支。減何郎鏡。

裏容添滿岳巒上絲怕姨夫爭怕似出柙虎兒恨虔
婆更恨如當道蛇蝎往常非種成合璧藍田玉今日
也砍倒栖鸞翠竹枝展轉嗟咨

倘秀才

我爲他寄相思到有百來篇小詞。他爲我寫離恨到
有千來張大紙。到如今都做了無打斷春蠶口內絲。
約期在明月館設誓在海神祠。虛勞了口齒。

叨叨令

性疎狂播滿烟花市。病風流害損青雲志。思模糊懶

寫蘭亭字。瘦伶仃。羞看羅衫在。兀的不想殺人也麼。
哥兀的不想殺人也麼。哥路迢迢無個人傳示。

脫布衫

常想着喜春晴。步蒼苔。輕逐遊絲。動春心。倚雕欄笑
撚花枝。怯春寒。下珠簾。羞看燕子。訴春愁。寄花箋。暗
央蝶使。

小梁州

兩個一霎相逢。萬種相思。留意孜孜。鞦韆庭院。晚涼
時。傳心事。撒下繡鞋兒。

么篇

令上係一曲誤分姑照原刻

這姻緣不讓蒲東寺。想鶯鶯未必如斯也。曾向月底
潛。也曾向花邊俟。雨雲情思。都做了斷腸詞。

煞尾

今日也愁着風。怕着雨。青衫血淚應常漬。幾時得並
着肩。携着手。玉鏡鉛華。恰再施。撥雨撥雲。又如是。詠
月嘲風。舊相似。看香裊金爐篆一絲。喜梅印紗窗影
半枝。何粉韓香得重賜。破鏡分釵得重視。吐嚙玉噴
珠。那才思。展說地。談天那胸次。將翠幙雲屏更設施。

把錦帳鴛衾重鋪肆。說海誓山盟舊日思。遂倚翠偎
紅少年事。解合歡帶兒鬆同心結子。還記得喘吁吁。
立不定。燈前那一個。

仙呂

○贈妓

米刻

舊辭

點絳脣

用江陽韻

月戶雲窗。翠屏朱幌。青樓上。楚楚紅粧。國色真堪賞。

混江龍

鳴珂里巷。俏名兒。占斷錦排場。歌傳金縷。舞按霓裳。

才貌絕勝蘇小小。風流不讓呂雙雙。聽嫵婉尊前唱。
此花解語玉生香。

油葫蘆

杏臉桃腮宮樣粧。步凌波羅襪涼。真箇是春風一曲。
杜韋娘。覷了這羞花閉月嬌模樣。識不盡撩雲滌雨。
虛情況。安排下假志誠。施逞些巧伎倆。包藏着賺郎。
君叔子弟瞞天謊。外貌兒甚端詳。

天下樂

兀的不惱亂蘇州刺史腸。司空休泛常。若是楚襄王。

見了也勞夢想。怎禁他動人情的。翠黛長。蕩人情的。
雲髻光。那更這透人懷的。玉腕香。

金盞兒

靠東牆。近西廂。佳人才子時相傍。芳心密意。怎相忘。
引惹得崔生頻覓漿。遍臨得韓壽暗偷香。因此上。樓
遲風月所。留戀雨雲鄉。

賺尾

個中人心上想。怕不道年少花容正芳。只恐人心不
久長。蚤尋取畫閣蘭堂。尚兀自鳳去凰翔。怎不量回。

首星星兩鬢霜。少不得月缺也。浮雲蔽藏。花謝也。狂風飄蕩。那其間蜂蝶誰賞好春光。

中呂

○贈妓

未刻

蘭楚芳

粉蝶兒

用家麻韻

他生得如月如花。蕩湘裙一鈎羅襪。寶釵橫雲鬢堆鴉翠斜灣。櫻唇小。堪描堪畫。剛隔着碧窗紗。倚幃屏繡簾低下。

醉春風

香細裊紫金爐。酒頻斟。白玉竿。銀燈影裏。嬌人嬌。他
生得可喜。殺殺更性兒。宜喜宜嗔。便有那閒愁閒悶。
見了他。且休且罷。

迎仙客

傍芝蘭。吸露華。遊宇宙。步煙霞。我只見。窄弓弓。藕芽
兒。剛半扎。踐香塵。踏落花。淺印在。輕沙中。一對相思
卦。

紅繡鞋

有他時。一刻千金高價。有他時。一生興旺人家。有他

昨村沙的化得不村沙。臨風三勸酒。對月一烹茶。說
蓬萊都是假。

普天樂

卽黃梅雨

信步到海棠軒。閒行至茶藤架。引得些蜂喧蝶攘。來
往交加。粉臉觀桃李。雲髻把花枝抹。看娘娘婷婷
花陰下。他若是不言語。何處尋他。他比黃金足色。明
珠沒價。美玉無瑕。

耍孩兒

般涉調卽魔合羅

透春情說幾句知心話。只被你拖逗殺我心猿意馬。

寒窗寂寞廢琴書。苦思量曉夜因他。傲風霜分不開
連枝樹。宜雨露栽培出並蒂花。見一日買幾箇龜兒
卦。似這般短促促。便携雲握雨。幾時得穩拍拍立計成
家。

二煞

捧金盃勸醪醕。按銀箏那玉馬。似展開幅吳道子觀
音畫。他那裏倚闌翠袖凝秋水。映日紅裙襯曉霞。但
見處人驚訝。端的是沉魚落鴈。閉月羞花。

一煞

笑一面不覺得春自生。行一步看得人眼倦花。十分
愛常帶着三分怕。愛的是風流旖旎嬌千種。怕的是
間阻飄零那半霎。天生下一虎口波波穢。堪與那俏
子弟寒時暖手。村郎君飽後挑牙。

尾聲

與中呂煞尾同

若要咱稱了心。只除是娶到家學知些些柴米油鹽價。
恁時節悶減愁消受用殺。

南呂

○詠遇

未刻

陳秋碧

一枝花

用簾纖韻

嬌滴滴千金玉體輕。窄弓弓半虎羅鞋。長花挽兩
鬢。眉黛巧。頭巍巍。一捏柳腰纖。禮數謙謙。歌白雪。櫻
唇艷。紫檀槽。春筍尖。俏儀容。蕤蕤堪同。美聲價。鶯鶯
不忝。

梁州第七

那裏有一毫兒破綻。端的無半米兒憎嫌。溫柔瑩潔
絕瑕玷。宜嗔宜喜。知恥知廉。諸餘可愛。所事相兼。惹
得些蜜蜂兒。攘動雕簷。引得些蝴蝶兒。飛近粧奩。恨

只恨歸去後。佩聲兒空館遙聞。喜只喜相見時。腳步
兒殘紅半掩。愁只愁別離間。唾津兒香帕猶粘。意懽
語甜。知音不是恩情欠。您蘇卿俺雙漸。誰不過慣打
聽風聲阿母嚴。步步拘鉗。

隔尾

丟不開放不下。難成合縫縫。終常念。染的重感的深。
無倒斷相思積。漸添有一日。軟玉溫香許。咱贈放下。
花撲撲繡簾靠着喜孜孜。杏臉怎時節。方纔把撥雨
撩雲意收斂。

雙調

○秋閨

已刻

祝枝山

新水令

用江陽韻

鴛鴦夢斷藕絲鄉。晝沉沉。水心亭上。柳絲牽舊恨。花
纈鬪新粧。立盡斜陽。悄無語。幾惆悵。

駐馬聽

客路修長。一度書來。一度想。金風蕩漾。一番雨過。一
番涼。生前業債甚年償。眉尖悶鎖。何時放。聽誰家砧
韻響。一聲聲。偏搗在。愁心上。

雁兒落

好似那無根蓬欠主張。漫天絮閒遊蕩。逐浮萍任去
留。隨風柳多偏向。

得勝令

牙空寫下舊事兩三行。故紙百千張。把些箇說鬼瞞
神誓。做了唆秦騙趙謊。害軟了心腸。對人前口強
心不強。病染膏肓。那里醫良藥不良。

川撥棹

一弄兒助淒涼。沒來繇閒闌攘。兩兩寒蟄。背下堦傍。

也會把離人話講。絮聒聒多半晌。

七兄弟

他那裏遠方。異鄉。着我費思量。且休提動止。渾無恙。
便些兒破綻。有何妨。莫輕將美愛都全忘。呀。却思今
還念往。

梅花酒

問月在西廂。待月在東牆。對月在南窗。匆匆的秋又
來。呀。迢迢的漏偏長。遲遲的夜未央。塵蒙了象牙牀。
火冷了玉爐香。零落了錦香囊。冷淡了舞衣裳。金縷

也不成腔。金縷也不成腔。

收江南

呀。爲誰消瘦減容光。蛾眉空想畫張郎。薄倖繫馬向垂楊。知他在那廂。知他在那廂。高燒銀燭照紅妝。

離亭宴帶歇揭煞

枕邊悄語成虛妄。從來好事多魔障。積儼下恩多怨。廣鏡奩兒羞照舊時容。袖梢兒不乾今日泪。裙腰兒減盡前春樣。推徹了孤辰寡宿年。再整理。殢雨尤雲。況跳出了愁城恨網。將養的。此翼羽毛成。醞釀的並。

步馬不辭
頭花朶就。滋培的連理枝條旺。忙鋪設翡翠屏。重拂
綽。鮫綃帳。滿捧着瓊觥玉觴。三秋月儘情看。四時花
隨意賞。

○春閨

已刻

周秋汀

新水令

用東鍾韻

碧桃花外一聲鐘。繡衾寒。喚回春夢。香消金獸冷。花
落翠屏空。雨雨風風。攔斷的病兒重。

駐馬聽

帶結頻鬆。瘦骨不禁愁冗冗。看峯難縱。黛蛾深鎖恨。

重重。瑤臺人遠信勞鴻。彩雲聲斷簫閒鳳。惡相思千
萬種。百般難把愁來送。


雁兒落

冷落了春風銅雀宮。間阻了夜雨陽臺夢。關雎了停
雲燕子樓。寂寞了流水桃源洞。

得勝令

單守着四扇矮屏風。三尺舊絲桐。總費囊中藥。全消
鏡裏容。簾櫳步月無人共。花叢尋春誰與同。

川撥棹





吳騷合編

我這里恨匆匆。晝偏長。更又永。許多時。歌歇梧桐。帳
冷芙蓉。酒盡瑤觥。不見了。紅圍翠擁。望藍橋。無路通。
對着這落紅。舞風。畫欄東。怯餘寒。簾軟金鈎控。寄閒
情。琴在錦囊封。溫啼痕。袖襖瓊珠迸。

梅花酒

減雀徽。畫裏容。怕曉角。昏鐘。恨芳艸青驄。怪浪蝶狂
蜂。秋來阿江上。別。花落也。未相逢。又不知。吉與凶。我
只索含着泪。告蒼穹。陪着笑。問青銅。側着耳。聽歸鴻。

緘著口怨東風。

收江南

呀。慊慊不比舊時同。綠窗針線廢春工。殘雲剩雨自西東。全無有定踪。巫山十二總成空。

本調煞

好姻緣都虛哄。惡相思將人磨弄。還說甚前生栽種。

○憶所見

已刻

毛蓮石

夜行船

用皆來韻

缺月風簾碎影篩。碧紗厨酒乍醒來。雲鬢風鬟柳腰。

花面憶多情。恁時安在。

風入松

杏花深處小亭臺。猶作夢魂猜。東風邂逅逢嬌態。麝
蘭散滿閒階。羅襪凌波半窄。更春衫可體新裁。

落梅風

看尖上眼挫側。先留下幾分恩愛。怕有人知。佯不採。
餘行過玉闌干外。

胡十八

不下懷。自驚怪。悲閒阻。想和諧。巫山頂楚雲埋。雁帖

魚書手倦裁。一身擔無限愁。十日却九番害。填不滿
離恨窩。還不了相思債。

撥不斷

細裁劃。命合該。姻緣頃刻多成敗。鬼病千般強打捱。
淒涼萬種難擔載。幾曾得片時輕快。

離亭宴煞

楚陽臺。步步荆榛隘。檐閣下兩廂情色。相思卷何年
結束。糊突謎甚日明白。傳示你權寧耐。切莫把飯生
見責。是送煖的意見。虛非搏香酌性兒友。

○爲妓白蓮賦

已刻

沈青門

夜行船

用先天韻

太乙峯頭玉井蓮。等閒移入梁園。繡屋遮藏錦屏圍。
護不許。路人窺見。

風入松

劉郎心性與花便。獨自掌花權。高燒銀燭重開宴。好
風光壓盡桃源。煙靄輕籠婀娜。更月明冷浸嬋娟。

喬牌兒

惜花人正少年。共花恣畱戀。朱顏相對如花面。美姻

緣天下辭。

雁兒落

花香散舞筵。花影迷歌扇。花輪才子看。花許騷人羨。

得勝令

人是惜花仙。不吝買花錢。痛飲花前醉。在吟花底眠。
天然果遂今生願。堪憐。還應宿世緣。

鴛鴦煞

名題月老合同券。情畱張琪相思卷。山海盟深。膠漆
心堅。暢道是綠嫩紅柔。香嬌玉軟。兩意相投。已謝却

閒鷺燕。風月無邊。諸老芳聲播揚遠。

商調

○秋懷 已刻

陳秋碧

集賢賓

用車遮韻

憶吹簫玉人何處也。今夜病較添些。白露冷秋蓮香。
謝粉牆低。皓月光斜。止不過暫時。鏡破簪折。到勝
似數十年信斷音絕。對西風倚樓空自嗟。望不斷嶺
樹重疊。怕的是流光奔去馬。雁陣擺長蛇。

逍遙樂

歡娛前夜。喜報燈花。香生帶結。誰承望。又蚤離別。常
記得。相靠相偎。笑語喋。畫堂中。那日驕奢。受用些尊
中綠蟻。扇底紅牙。枕上蝴蝶。

醋葫蘆

我和他初相逢。臉帶羞。乍交歡。心上怯。半粧酒醉半
粧呆。兩下情濃。難棄捨。鴛衾方熱。把一枝鳳凰簪拈
做兩三截。

么篇

我寫他挑着燈。將好句裁。背着人將心事說。直等到

碧梧窗外影兒斜。惜花心怕將春漏泄。蒼苔輕蹣露珠常污了。踏青靴。

么篇

我爲他朋情上將謊語兒丟。他爲我母親行將嬌樣兒者。我爲他在家中費盡了巧喉舌。他爲我褪湘裙。杜鵑花上血。我爲他耳輪兒常熱。他爲我面皮紅羞。把扇兒遮。

梧葉兒

一箇是相府內懷春女。一箇是君門前彈劍客。半路

里恰逢者。剛幾箇千金夜。忽喇以拋去也。我怎肯恁
隨邪。又去把牆花亂折。

後庭花

仙呂

夢了些虛飄飄。枕上蝶。聽了些吉丁當簾外鐵。剛纔
得合上溫郎鏡。却又蚤欄迴卓氏車。我這里痛傷嗟。
香消蘭麝。望陽臺道路除。

青歌兒

同上

風亂掃埕前黃葉。雲半遮柳梢殘月。這離恨更比太
山轉陡些。待桑田重變海枯竭。還不了風流業。

浪裡來煞

這愁呵。剛不在眼角。楚。又來到眉上惹。恨不的。猜三
尸肺腑。細鑄竭。有一日。繡幃中。玉肌重。厮貼。我將他
指尖來。輕捏。直覓到。那樓頭。北斗柄兒斜。

北詞名作雖多。而強半不能合譜。卽集中所收。
亦未敢盡稱可法。其曲中板眼。緣北調向無確
載。而時俗謔爲增減。緩急虛實。頗堪反唇。今攷
之。嘯餘諸譜。止載名詞。而無板法。寧弗杜撰。不
敢臆增。此則闕疑之意。良有以也。茲亦不復點。

板以俟知音者自爲揣摩。至如醉花陰端正好。
點絳脣。粉蝶兒。一枝花新水令等套。則又歌壇
素所習聞。試細心參酌。自得其竅。從事絃索者。
其加諸意焉。嶺樵

白雪齋選訂樂府吳騷合編卷之四

終

吳騷合編計四冊蓋張旭初伯仲彙三集而選
輯者予不解度曲然玩言訂聲亦有心領
是刻所收惟其詞弗計其人因繪尤極工
妙欣賞之資也坊間曾兩刊本此為初印

周世劉伯舉識時屬辭

跋

吳騷者何崑曲也曲何以言騷尊其體也是書爲武林張楚叔
旭初昆季所輯錄楚叔廣收共成三集旭初嚴覈合并一編書
刻于崇禎十年丁丑分宮實詞體皆側艷又得項南洲爲之刊
圖精雅可翫余藏此書垂三十年始欲刊列曲叢而滬戰勃發
所儲存涵芬樓諸曲焚燬至二十八種此書幸免劫灰彌自珍
惜已固安劉伯峯先生新得此書屬刊入四部叢刊續編於是
海上同人命譔斯跋余謂散曲總集莫富于雍熙而莫精于南
詞韻選他如南北宮詞紀太霞新奏詞林逸響諸書不過承流
接武而已是編稍後出故崑山梁氏吳江沈氏吳縣龍氏山陰
王氏諸作采錄至多而嶺樵騷隱二家評語散見各詞後者又
皆有所依据如云詞隱新譜者爲沈伯明自晉之南九宮新譜

也云墨憨齋者爲馮子猶

猶龍

之南詞譜也云三籟者爲凌初

成

濛初

之南音三籟也諸書不盡傳得此略見一二不亦善乎

若夫分析正贈辨訂牌調正板式之衞譌考集曲之字句尤較
許字陳所聞等爲詳是爲散曲中盡善之作韻選而外首屈一
指矣惟竊有未解者雍熙中南曲大抵皆古南詞爲詞家之瓊
寶書中徵引舊詞凡十五篇其出自雍熙者爲羅江怨二曲十
樣錦字字錦七賢過關各一曲餘皆采自他書此其故何也豈
別有深意耶海內賢達能解余之惑乎此又余所日夕企望者
矣甲戌七月長洲吳梅